

Hiiburu Awura Ɔwole

Wurubuaare Mɔ-Bi Mɔ Gi Don Wurubuaare Dɔ Isɔɔ

¹ Dedaa mɔ i bo no i bo no mɔ, Wurubuaare kya baa tɔnge sa aye-naanaana. Ɔ naa de mɔ-ikalan atɔgebo mɔ so, ne ɔ yege me kyu ikpa kpɛi-kpɛi so tɔnge sa mɔmɔ.

² Nke laalaaloge nde dɔ bere mɔ, Wurubuaare gi san naa daa de mɔ-bi mɔ so tɔnge sa aye. Kyu naa de mɔ-bi mɔ so ne ɔ lee soso de gese de ilaa kamaase ibono i bo no mɔ, ne mɔ ne Wurubuaare gi lee yee ilaa kamaase i' wɔra mɔ-lee.

³ Mɔ-re Wurubuaare me gye daa gidebi kolon; ne mɔ ne n kya lee Wurubuaare nyisigyɛi gewi nyiile. Mɔ-gigyebi ɔlon bele dɔ ne ɔ kpe ɔ de ɔ kya kere ilaa kamaase so. Mɔ ne n kpaare anyamese ilaa nyenyen fue sa mɔmɔ. Ɔ wɔra genen ta mɔ, o kpe ɔ te Wurubuaare ɔbono ɔ gye Gitobele mɔ ase, ɔ kya gyi gewura soso nno.

⁴ Imɔso Wurubuaare mɔ-bi mɔ gi baa don Wurubuaare dɔ isɔɔ gbaa bun. Genen kee ne ginyen gibono Wurubuaare gi sa mɔ mɔ gi don Wurubuaare dɔ isɔɔ mɔ-lee.

⁵ Ane ne Wurubuaare gi ti tɔge sa yee, "Fo ne n gye me-bi. Nde ne wɔra fo-se"? Wurubuaare dɔ isɔɔ mɔ dɔ ɔko abee? Kuaa, mɔ-bi mɔ nkon ne ɔ tɔge genen ilaa ide sa. Wurubuaare gi kii tɔge yee, "Nan wɔra mɔ-se, ne mɔ, mɔ, laa wɔra me-bi."

⁶ Genen kee ne owi ɔbono Wurubuaare kya laare de o' sun mɔ-gisen dɔ obi mɔ gesinkpan so mɔ, ɔ tɔge yee,

“Wurubuaare dɔ isɔɔ mɔ pɛwu
me' nmii de me' son mɔ.”

⁷ Wurubuaare agyebi dɔ i tɔge kyu lii Wurubuaare dɔ isɔɔ mɔ so yee,

“Wurubuaare kya yeege mɔ-isɔɔ
abono me kya son mɔ mɔ
me' wɔra fɛɛ afuu de ɔgya awulewule.”

⁸ Wurubuaare gi tɔge sa mɔ-bi mɔ, mɔ, yee,

“O Wurubuaare,
fo-gɛwुरagyɪ ge maŋ ta ɔkara gekaako kpa-a.
Gesintin ne fo de fi-i keɛ fo-ade so.

⁹ Fo kya laare daa gesintin gɪgyɪ.

Ilaa nyenyen giwɔra bere i gye fo-ila kyoɛ.

Genen so ne me, fo-Wurubuaare,
ne yeege i wɔra fo-gisen dɔ ɔkon.

Ne yuule fo de fo' gyi gebelense fo-nanboana so.”

¹⁰ Wurubuaare gi kii tɔge sa mɔ yee,

“Fo gye Wura. Kpe kyu lii gese de gese mɔ,
fo ne n lee gesinkpan, ne fo ne n lee soso
de ibono i bo imɔ dɔ mɔ pɛwu.

I gye daa fo-gesun wɔrase.

¹¹ Soso de gese pɛwu i laa baa wɔra idedaa de i'
nyida fɛɛ akuru
de i' ta ɔkara.

Fo bere fo laa kpe fo bo no gekpaa-gekpa.

¹² Fo laa koola soso de gese pɛwu gyan' de fo' too
imɔ fue

de fo' kyu ipobɔɔ baa yii giyaa
fɛɛ genɔɔbono akuru a kya wɔra apanan ne me
kya too amɔ fue

de me' kyu apoboro yii giyaa mo.
Fo bere, fo man kyeege.

Genobono fo de mo,
genen ne fo laa kpe fo de,
ne fo man wu' geakaako kpa-a."

¹³ Wurubuaare gi toge sa mo-bi mo yee,
"Baa kyena me-gibaa gyise so de me-re fo a' gyi
gewura

de n' yee fo' kyise fo-akyobo de fo-ayaa."
Geakaako Wurubuaare men toge genen ilaa ide
onan sa Wurubuaare do isoo mo oko-re oko.

¹⁴ Momo pewu bere, me gye daa afuu so asa
abono me kya son Wurubuaare. O kya keda omo
sun yee me' baa kpaasa abono me laa nye mo
Wurubuaare amolege de me' kyena mo ase mo.

2

A Lee Ansi Yeege Wurubuaare Amolege Mo, A Man Lii Mo-Gisobiide Do

¹ Ilaa ide pewu so mo, i kaabore a' kyu aniya
de a' yeege ilaa ibono a nu lii Wurubuaare mo-
bi mo ase mo i' loo aye-aso do don Wurubuaare
do isoo-lee mo a nu mo. A nu Wurubuaare mo-
bi mo ase mo, i man nye kyeege aye-nwonsa lii
mo-okalan mo so.

² Wurubuaare do isoo mo me nye kyu Wu-
rubuaare okalan kyu sa aye-naanaana adedaabo
mo mo, i men sa de me' lee ansi yeege genen
okalan mo. Obono o wora gisomaanu ne o men
wora okalan mo ilaa wrase mo kya nye imo so
gisobiide gibono gi kaabore mo mo.

³ Ne aye abono mo a nye Wurubuaare mo-bi
mo okalan kyu lii mo-amolege mo so faa mo de-e?

Nengyene a lɛɛ ansi yɛgɛ genen amɔlɛgɛ belɛ abono mɔ, aye ne nan lii Wurubuaare gisobiide mɔ dɔ? Wurubuaare mɔ-bi, aye-Wura mɔ, ne n daa gitɔgɛ genen amɔlɛgɛ ade so ilaa. Ne asa abono mɛ nu imɔ de mɔmɔ-aso mɔ mɛ buu genen amɔlɛgɛ ɔkalan baare ilaa sa aye imɔ-ɔkpa so de a' nye bii yɛɛ i gye gɛsintin.

⁴ Wurubuaare kee gi nyise imɔ so gibaa. I kya nyiile yɛɛ ɔ yɛgɛ asa abono mɛ sɔɔ gyi mɔ mɛ wɔra ilaa ibono i lɛɛ mɔ-bi mɔ ɔlon mɔ gɛwi nyiile. Imɔ ne n gye yɛɛ mɛ wɔra ilaa gbaa'gbaa de amunale ilaa de ilaa kpɛi-kpɛi ibono nkana nyamesɛ man taale wɔra mɔ-gibaa so mɔ. O kii yɛgɛ mɔ-Oduduu mɔ gi kyu nsun kpɛi-kpɛi sa mɔmɔ genɔɔbono mɔ Wurubuaare kya laare mɔ.

Yesu Gi Bingiri Nyamesɛ Fɛɛ Aye

⁵ Fɛɛ genɔɔbono a tɔgɛ kyon mɔ, Wurubuaare mɔ-bi mɔ gi don Wurubuaare dɔ isɔɔ mɔ. I kya nyiile yɛɛ Wurubuaare mɛn lɛɛ mɔ Wurubuaare dɔ isɔɔ mɔ yɛɛ mɛ' kere gɛkyena pobɔɔ gɛbono a tɔgɛ gɛmɔ ilaa faa so.

⁶ Wurubuaare agyɛbi dɔ i wolaa lɛɛ nyiile aye genen. I bo nno yɛɛ,
 “Wurubuaare, nyamesɛ gye mɛnɛ sa fo ne fo kya kere mɔ so genen?”

⁷ Fo yɛgɛ Wurubuaare dɔ isɔɔ mɛ kpɛ don mɔ daa nmaraa pii faa.

Fo yuule mɔ kyu nyisigyɛ de buubuu kyu sa mɔ, ne fo yɛgɛ ilaa kamaase i' bara imɔ-nyoro gɛsɛ sa mɔ.”

⁸ Wurubuaare yɛɛ ilaa kamaase i' bara imɔ-nyoro gɛsɛ sa nyamesɛ. Genen so mɔ, sei man

baa san ibono Wurubuaare men tɔge yee i' bara imɔ-nyoro gese sa mɔ. Genɔɔbono i de faa mɔ, in gye ilaa kamaase ne n ti bara imɔ-nyoro gese sa nyamese.

⁹ Yesu ilaa ne a kya wu yee i kyena de Wurubuaare ilaa tɔgeese ide. I kya nyiile yee owi ɔko dɔ mɔ Wurubuaare gi yee mɔ-isɔɔ mɔ me baa don mɔ-bi Yesu nmaraa. Wurubuaare gi yee mɔ-bi mɔ gi baa wu' awɔrɔfɔɔ lewu sa anyamese. Imɔso Wurubuaare gi yuule mɔ-bi mɔ, ne o kyu mɔ-nyisigi de mɔ-buubuu kiiri sa mɔ. Wurubuaare kya sa aye anyamese so gewɔnsa dense. Imɔso ne ɔ yee mɔ-bi mɔ gi wu' sa nyamese kamaase.

¹⁰ Wurubuaare so ne ilaa kamaase i bo no faa, ne mɔ kee ne ilaa kamaase i bo no sa. ɔ kya laare yee aye anyamese sakyɔ a' wɔra mɔ-biana gesintin de a' nye nyisigi. Imɔso ɔ yee Yesu gi gyangbara lɔrɔ ɔkpa sa aye de a' nye mɔ-amolege. ɔ yee Yesu gi wu awɔrɔfɔɔ de ɔ' nye wɔra mɔ Wurubuaare gisen dɔ ilaa ide kpaa loge.

¹¹ Aye abono Yesu kya lɔrɔ aye ɔ kya yela ɔ kya sa mɔ-se mɔ, aye-re mɔ pewu a gye daa ɔse kolon. Imɔso ne Yesu kya tere aye genen asa abono yee mɔ-tedɛana ne in bo mɔ ipeeli mɔ.

¹² Yesu gi tɔge yee,

“O, Wurubuaare, nan tɔge fo-ilaa sa me-tedɛana.

Nan lee fo-ginyen de n' bii ilon yen fo sansana.”

¹³ O kii tɔge yee,

“Nan ka gyan' Wurubuaare so.”

Ne o kii tɔge kee yee,

“Me-re nbii nbono Wurubuaare gi sa me mɔ ne.”

14 Ibono nbii mɔ me gye daa anyamese so mɔ, mɔ Yesu kee gi baa bingiri nyamese de mɔ-re mɔmɔ me' wɔra oyuduu kolon. Ɔ baa bingiri nyamese, ne o' wu' de ɔ' nye mɔɔ ilaa nyenyen pewu gemu mɔ gibɔɔ gibono ɔ bo ne ɔ kya yege asa me kya wu' mɔ.

15 Imɔso abono pewu nkana me sele lewu ne lewu nwɔnsa ne n gyi mɔmɔ-amu mɔmɔ-gekyena dɔ pewu mɔ, Yesu gi baa mɔlege mɔmɔ lii genen gifuu gibono dɔ.

16 Ɔkamaase nyi yeɛ i mɛn gye Wurubuaare dɔ isɔɔ ne Yesu gi baa kpaɔ. Ɔ baa kpaɔ daa Aberaham anaanabi.

17 Imɔso i tiri yeɛ Yesu ɔ' baa bingiri feɛ mɔ-tedeana oyuduu ɔkpa kamaase so. Imɔ ne nan yege ne ɔ laa nye wɔra Wurubuaare asunbi alebo gemu ɔbono ɔ bo gitolon de gesintin mɔ. Ɔ laa kpaare asa ilaa nyenyen fue de Wurubuaare ɔ' nye kyu kyee mɔmɔ.

18 Ilaa nyenyen pewu gemu mɔ gi soo Yesu idoo, ne ɔ mɛn nye mɔ. Yesu gi wu awɔɔfɔɔ genen idoo ibono dɔ so mɔ, o nyi genɔɔbono i de sa anyamese. Imɔso ɔ bo ɔlon de ɔ' kpaɔ abono ilaa nyenyen pewu gemu mɔ kya soo mɔmɔ idoo mɔ kee de mɛn sa me' tɔɔ idoo mɔ dɔ.

3

Yesu Nyisigyɛ Gi Don Mosisi-Lɛɛ

1 Me-nanboana Yesu asonbo, Wurubuaare gi lɔɔ aye yela sa mɔ-nyoro. Ɔ tɔge aye-re feye pewu yeɛ a' kyu aye-nyoro sa mɔ de a' nye kyena mɔ ase. Imɔso fe' kyu feye-nwɔnsa gyan' Yesu so.

Mɔ ne Wurubuaare gi sun anyamese ase. Mɔ so ne a ka gyan ne a kya tɔge yee ɔ gye Wurubuaare asunbi alebo gemu sa aye mɔ.

² A' kyu Yesu kesere de Mosisi de a' kerε. Yesu gi gyi gesintin sa Wurubuaare obono ɔ lee mɔ sun aye anyamese ase mɔ. Mosisi kee gi gyi gesintin mɔ-gekyena dɔ ne ɔ kpaa Wurubuaare ade.

³ Buubuu obono i kaabore asa me' kyu sa Yesu mɔ gi don Mosisi-lee mɔ gbaa bun. I de daa fee genobono nyamese kya yii geten ne ɔ bo nyisigyɔ don abono me te mɔ-geten mɔ dɔ mɔ.

⁴ Geten' kamaase ge bo no mɔ, oko ne n yii gemɔ. Ilaa kamaase ɔpɔrɔbo, mɔ, ne n gye Wurubuaare.

⁵ Mosisi gi wɔra Wurubuaare gesun ɔwɔrabo ne o kyu gesintin wɔra mɔ-gesun ne i kpaa Wurubuaare ade pewu. Mosisi ilaa wɔrase i wɔra sinkaala sa ilaa ibono Wurubuaare laa baa lee nyiile geakaako Mosisi lewu gemara mɔ.

⁶ Yesu Kirisito bere gye daa Wurubuaare mɔ-bi ne o kyu gesintin kyu kere Wurubuaare ade mɔ so fee genobono obi kya kere mɔ-se geten so mɔ.

Okɔ Ɔŋ Sa Ɔ' Yee Mɔ-Nwɔnsa Gi' Lii Wurubuaare So

Genobono a kya da otu kyu aye-ansi gyan' Yesu Kirisito so de okon kyu i kya kpe faa mɔ, genen geten' gebono Yesu kya kere gemɔ so sa Wurubuaare mɔ, aye ne n gye gemɔ dɔ asa.

⁷ Imɔso fe' nu ilaa ibono Wurubuaare Oduduu mɔ gi tɔge mɔ. Ɔ tɔge yee,

“Nde fe nu Wurubuaare gigyebi' mɔ,

⁸ fε men sa fe' wɔra gisoolon fεε feye-naanaana lεε mɔ.

Aberε abono feye-naanaana mε bo gipen mɔ dɔ mɔ

aberε ako dɔ mɔ mε kerε me, Wurubuaarε,
ansi dɔ

ne mε soo me idoo kerε.

⁹ Nsi ikue-inyɔ pɛwu dɔ mɔ mε wu me-gesun beλε
gebono nε wɔra sa mɔmɔ mɔ,
yεge mε kpε san mε kya kuu me-gεnɔ.

¹⁰ Genen so mɔ, nε kyu ginyadon wɔra genen
gikpen gibono,

ne nε tɔge kyu lii mɔmɔ so yεε,

'Owi kamaasε dɔ mɔ, asa adε mε kya kerε
ansi

mε kya lεε mɔmɔ-nwɔnsa ma-a lii me so.

Mε kine, mε men bii me-lεε ikpa mɔ.'

¹¹ Nε kyu ginyadon de mɔmɔ, ne nε tɔge nno
wɔra mɔmɔ yεε

nkyoola nbono me yεε nan kyu sa mɔmɔ mɔ
man baa kyu sa mɔmɔ gεkaako kpa-a."

¹² Imɔso, me-nanboana Yesu asonbo, fe' kerε
feye-nyoro so dɔdan. Feye dɔ ɔko-rε ɔko ɔ men
sa o' kyu nwɔnsa nyenyen abεε akycɔle nwɔnsa
de i' ba yεε mɔ-nwɔnsa gi lii Wurubuaarε so. Mɔ
ne n gye ɔbono ɔ bo no gεkpaa-gεkpaa mɔ.

¹³ Gεke kamaasε mɔ, i kpε nye wɔra yεε gεke
dee, fe' kpε fe kya ka abara owi ɔbono fe san
fe kya nu Wurubuaarε agyebi mɔ de ilaa iko i
men sa i' nye penε feye de fe' wɔra ansiolon de
Wurubuaarε.

¹⁴ Nengyene a taale ka gyan Kirisito so kpaa lii
fεε genɔbono a yii gεsε faa mɔ, aye-rε mɔ a laa

kyena de mɔ-ilaa kamaase ibono ɔ bo mɔ i' wɔra aye-lɛɛ kee.

¹⁵ Genen so ne i wolaa tɔgɛ Wurubuaare agyebi mɔ dɔ yɛɛ,

“Nde fɛ nu Wurubuaare gigyebi' mɔ,

fɛ' mɛɲ sa fɛ' wɔra gisoɔlon

fɛɛ genɔɔbono fɛye-nanaana mɛ wɔra giso-
maanu sa Wurubuaare mɔ.”

¹⁶ Anɛana ne n nu Wurubuaare agyebi mɔ ne mɛ wɔra gisomaanu de mɔ mɔ? I mɛɲ gyɛ mɔmɔ abono aye-naana Mosisi gi gyangbara sa ɔmɔ lii Igyipiti mɔ?

¹⁷ Anɛana ne Wurubuaare gi kyu ginyadon wɔra nsi ikue-inyɔ mɔ daa? I mɛɲ gyɛ asa abono mɛ wɔra ilaa nyenyɛn ne Wurubuaare gi yɛgɛ mɛ wu' gipɛn mɔ dɔ mɔ?

¹⁸ Wurubuaare gi kyu ginyadon ne ɔ tɔgɛ nno wɔra mɔmɔ yɛɛ,

“Nkyoola nbono me yɛɛ nan kyu sa mɔmɔ mɔ
man baa kyu sa mɔmɔ gɛkaako kpa-a.”

Mɔ, anɛana ne Wurubuaare dare genen? I gyɛ daa asa abono mɛ wɔra gisomaanu de Wurubuaare mɔ ne ɔ dare.

¹⁹ Imɔso a wu yɛɛ ibono genen asa abono mɛ mɛɲ sɔɔ Wurubuaare gyi mɔ so ne n yɛgɛ ne mɛ mɛɲ nye kpe Wurubuaare ɔkyoolaten mɔ.

4

Aye Ako A Laa Nye Wurubuaare Nkyoola Mɔ ɔnan

¹ Wurubuaare gi ka yela sa aye yɛɛ ibono a san a tɛ faa ɔ laa yɛgɛ aye ako a laa nye mɔ-lɛɛ nkyoola mɔ ɔnan gɛsinkpan so. Imɔso a'

kerε dɔɔdan de ɔko-rε ɔko ɔ' mεη sa ɔ' fue Wurubuaare ɔkpa de ɔ' mεη nye genen nkyoola nbono ɔ dare faa.

² I lii fεε aye kee a nu Wurubuaare ɔkalan konkonse mɔ fεε genɔɔbono aye-naanaana Isir-ale awura mɔ mε nu mɔ mɔ. Mɔmɔ, mɔ, mε nu ɔkalan baare mɔ, i mεη kpa a mɔmɔ de sei. I lii fεε mε mεη sɔɔ ɔkalan mɔ gyi.

³ Aye abono a nu ɔkalan mɔ ne a sɔɔ mɔ gyi mɔ bere, a laa nye genen Wurubuaare nkyoola nbono. A' nyingi ibono Wurubuaare gi tɔge baa kyon mɔ. ɔ tɔge yεε,

“Nε kyu ginyadon de mɔmɔ, ne nε tɔge nno wɔra mɔmɔ yεε,

‘Nkyoola nbono me yεε nan kyu sa mɔmɔ mɔ,

man baa kyu sa mɔmɔ gεkaako kpa-a.’ ”

Owi ɔbono Wurubuaare gi tɔge genen ilaa ide mɔ, ɔ ti wolaa loge mɔ-gεsun gebono ɔ wɔra kyu lεε soso de gεse mɔ.

⁴ I lii fεε ɔ tɔge gεke sonose mɔ ilaa mɔ-agyεbi dɔ gεtεeko yεε,

“Wurubuaare gi loge mɔ-gεsun gebono ɔ wɔra pεwu mɔ,

gεke sonose mɔ, o kyu kyoala.”

⁵ Imɔ gemara, Wurubuaare gi kii tɔge yεε,

“Nkyoola nbono me yεε nan kyu sa mɔmɔ mɔ, man baa kyu sa mɔmɔ gεkaako kpa-a.”

⁶ Genen asa adε mε wolaa nu Wurubuaare ɔkalan konkonse mɔ. Mε wɔra daa gisomaanu. Imɔso ne mε mεη nye Wurubuaare nkyoola nbono ɔnan mɔ.

Wurubuaare Gi Kii Yela Aberε Ako

De Asa Me' Nye Mɔ-Nkyoola Mɔ ɔnan

Idɛ kon mɔ i bo no yɛɛ asa ako berɛ mɛ laa nye genen Wurubuaarɛ nkyoola nbono ɔnan ibono a san a tɛ de ansi faa.

⁷ I kya nyiile yɛɛ Wurubuaarɛ agyɛbi mɔ dɔ mɔ ɔ yela aberɛ ako sa ako yɛɛ mɛ laa nye mɔ-nkyoola mɔ ɔnan. ɔ yela genen aberɛ abono ginyen yɛɛ “Nɔɛ.” Imɔ gemara, i keɛla, ne i gyi nsi mɔ, ɔ naa de aye-naana Deefidi so tɔgɛ genen gɛkɛ gedɛ so ilaa, fɛɛ genɔɔbono ɔ wolaa tɔgɛ baa kyon mɔ. ɔ tɔgɛ yɛɛ,

“Nɔɛ fɛ nu Wurubuaarɛ gigyɛbi mɔ
fɛɲ sa fɛ' wɔra gisoɔlon.”

⁸ Ne fɛɛ Wurubuaarɛ menan yɛgɛ de Gyosuwa ɔ' taale kyu Wurubuaarɛ nkyoola mɔ ɔnan sa Isir-ale awura adedaabo mɔ mɔ, nkana Wurubuaarɛ maɲ baa kii yela mɔ-nkyoola nbono gɛkɛ banban gɛko.

⁹ Imɔso nɔɛ ibono a tɛ faa Wurubuaarɛ nkyoola mɔ ɔnan gi bo no sa Wurubuaarɛ asonbo.

¹⁰ I kya nyiile yɛɛ fo ɔbono fo nye genen Wurubuaarɛ nkyoola nbono ɔnan mɔ, fo kaasɛ ɔbono berɛ fo laa kyoola, foɲ baa wɔra fo-gibaa so-lɛɛ gɛsun. I laa wɔra daa fɛɛ genɔɔbono Wurubuaarɛ kee gi logɛ mɔ-gɛsun ne ɔ kyoola mɔ.

¹¹ Imɔso fɛ' yɛgɛ de aye berɛ a' pɛɛrɛ ansi de a' nye genen Wurubuaarɛ nkyoola nbono. Aɲ sa a' wɔra gisomaanu fɛɛ genɔɔbono ako mɛ wɔra ne mɛ mɛɲ nye genen Wurubuaarɛ nkyoola nbono mɔ.

¹² Wurubuaarɛ genɔ gɛ bo gya, ne mɔ-agyɛbi mɔ a kya wɔra ilaa. A bo yɛ don gɛki, ansi ɔ yɛ,

gemara o ye. Wurubuaare agyebi a loo nyamese do mo, a kya kpe ko-o tudu kpa tu mo-odudu de mo-gisen do barage ilaa do nyiile mo. I de fee genobono geki ge laa taale barage nkyagankyaga de awuye nro do mo. Wurubuaare agyebi mo a kya yeye nyamese gewansa do de mo-gelaare ilaa i kya lii gewi yee ide i boran, abee ide in boran.

¹³ In bo no yee ilaa ibono Wurubuaare gi lee mo i' nara mo. Imo pewu i ti wolaa lii gewi sa mo, ne i de daa faa tentegelen mo-ansi so. Mo-ansi do kee ne aye pewu a laa yele de okamaase o' lee mo-geno.

Yesu Ne N Te Wurubuaare Gebunono Sa Aye

¹⁴ A bo Wurubuaare gebunono wura gbaa' o kyon kpe o te Wurubuaare ase sa aye. Mo ne n gye Yesu, Wurubuaare mo-bi mo. Imoso genobono a kya toge yee a ka gyan' mo so faa, a' yele aye-ayaa so ken-ken genen.

¹⁵ I lii fee mo obono o te gebunono sa aye mo tansi o kya su aye so. O nyi ibono aye anyamese an bo lon aye-gibaa so. I lii fee ilaa nyenyen pewu gemu mo gi soo mo kee idoo okpa kamaase so fee aye. On kii nye mo de o' wora ilaa nyenyen.

¹⁶ Aye-gebunono wura baare so mo, fe' yeye a' bugi aye-asen sa gitolon gemu, Wurubuaare, de o' su aye gitolon. Ilaa i kya nyise aye mo, a' bugi aye-asen sa mo, de o' tenge mo-gibaa gyan aye so de o' kpa aye.

5

¹ Wurubuaare asunbi alebo gemu kamaase,

Wurubuaare ne n kya lee mo lii mo-nanboana anyamese do yee o' yele momo-giyaa do de o' lee asunbi sa Wurubuaare sa omo. Mo ne n kya kyu ilaa ibono asa me laa kyu bara Wurubuaare mo de nbue nbono me laa kyu kyoolle sa Wurubuaare mo lee asunbi sa Wurubuaare de Wurubuaare, mo, o' kyu momo-ilaa nyenyen ibono me wora mo kyee momo.

² Genen kaase mo kya taale nye gisen sa abono men nyi ne me kya fue Wurubuaare okpa dense mo. I kya nyiile yee mo kee gye daa nyamese ne on bo olon oko mo-gibaa so.

³ Genen so mo, in gye asa sense ilaa nyenyen wole so ne o kya lee asunbi. I kaabore o' lee asunbi sa mo-nyoro kee de Wurubuaare o' kyu mo-ilaa nyenyen kyee mo.

⁴ Nyamese men kya gyi gebelense gede mo-gibaa so. Wurubuaare ne n kya lee nyamese yee o' wora mo-asunbi alebo gemu mo fee genobono o naa kyena lee Aron mo.

⁵ Genen kee ne Kirisito obono Wurubuaare gi sun yee o' baa molege anyamese mo men gyi genen gebelense gebono mo-gibaa so. Wurubuaare ne n lee mo yee o' kyena gebunono sa mo Wurubuaare asonbo. Wurubuaare gi toge sa mo yee,

“Fo gye me-bi. Nde ne wora fo-se.”

⁶ Wurubuaare gi kii toge sa Kirisito mo-agyebi do geteeko yee,

“Fo gye asunbi olebo gekpaa-gekpaa. Okpa obono so ne naa kyena yege Mekisede gi wora asunbi olebo mo,

genen okpa obono so kee ne ne kyu fo wɔra asunbi ɔlɛbo faa.”

⁷ Owi obono Yesu gi baa bingiri nyamese kyena gesinkpan so mɔ, ɔ dalaa kole Wurubuaare obono mɔ ne nan taale mɔlegɛ mɔ lii lɛwu dɔ mɔ. ɔ kya dalaa genen mɔ, ɔ kya saawo ken-ken ɔ kya tere Wurubuaare, yege ansikyu a kya kyon. Yesu gi kyu mɔ-nyoro fue sa Wurubuaare so mɔ, Wurubuaare gi nu mɔ ase.

⁸ Dabɔle ibono ɔ gye Wurubuaare mɔ-bi faa, ɔ wu ɔlaawuse. Ne ɔ kase genɔobono ɔ laa nu Wurubuaare gedɛ mɔ lii mɔ-ɔlaawuse mɔ so.

⁹ Yesu gi wɔra Wurubuaare gisen dɔ ilaa logɛ mɔ, Wurubuaare, mɔ, gi yege ɔ baa wɔra amɔlegɛbo gemu sa asa abono pewu me kya nu mɔ Yesu ase mɔ. Mɔ ne nan yege me' nye kyena Wurubuaare ase gekpaa-gekpaa.

¹⁰ I lii fɛɛ Wurubuaare gi wolaa lɛɛ mɔ yeɛ ɔ' wɔra asunbi alɛbo gemu sa anyamese buu de okpa obono so ɔ naa kyena lɛɛ Mekisedɛ ne ɔ wɔra mɔ-asunbi ɔlɛbo mɔ.

Fɛ Dɛ Fɛɛ Kyokyoona Abono Mɛ Tiri Daa Ginyabo

¹¹ Nkana ilaa gikyɔ i san i bo no a laa tɔge kyu lii imɔ so. Fɛɲ kya laare de fe' kpaa feye-nyoro de fe' nu ilaa gese kusaa so mɔ, i bo sen sa aye de a' lɛɛ imɔ gese sa feye.

¹² Nkana i kaabore ɔfaanan fe ti wɔra Wurubuaare agyebi mɔ anyiilebo. Feye, mɔ, fɛɲ ti sɛɛ amɔ dɔ. Fɛ dɛ fɛɛ kyokyoona abono me tiri daa ginyabo, ne me maɲ bii gyi agyudɔ boduduuse mɔ. Fɛ tiri yeɛ me' kii nyiile feye Wurubuaare ilaa lii imɔ gese de gese.

¹³ I kya nyiile yee feŋ ti ten ansi Wurubuaare agyebi do de fe' bii genooono Wurubuaare laa kyu feye yee feye-asen do i boran mo.

¹⁴ Abono me ten ansi mo ne nan taale kase ilaa boduduuse lii Wurubuaare agyebi mo do de me' nu gese. Momo abono bere, me ti wu ilaa kpai-kpai kere. Imoso me ti kase ne me kya bii yee ilaa dense ne, ilaa nyenyen ne.

6

¹ A ti nu ilaa ibono i bo Kirisito onon mo do gese de gese yee a' nu aye-nyoro gese, a' kyeege de an baa wora ilaa ibono in kya kpaa nyamese Wurubuaare ase mo, de a' soo Wurubuaare gyi. Imoso an sa a' sii de imo wole. Fe' yeege a' kii kase ilaa banban bola de a' ten ansi mo-onon mo do.

² Wurubuaare sagyere ilaa de genooono a laa kyu aye-abaa gyan' asa so de a' dalaa sa momo de genooono Wurubuaare laa kyingi anyamese pewu gekaako de o' gyi momo-nbele de o' sa momo ntelea nbono gin bo okara mo, imo pewu i bo aye-onon mo gese de gese ilaa ibono n dare mo do. Fe men' yeege a' sii de imo wole.

³ A' kpe ansi do Yesu onon mo do. Wurubuaare gi kyule mo, genen ne a laa wora ne.

⁴ Nengyene ako me kere ansi kine yee me man baa ka gyan Yesu so mo, in baa sa de oko o' yeege me' kii nu momo-nyoro gese kii ka gyan' Yesu so ginyose. I lii fee me ti nye gensibugi kere, ne me ti daa Wurubuaare ilaa kyee ibono o kyee monsonbo mo kere, ne Wurubuaare Oduduu mo gi ti kyena momo do kere.

⁵ Mε ti nu Wurubuaare agyebi mo bii amo-okon kere, ne me ti wu Wurubuaare olon obono o laa lii gewi gekyena gebono ge laa baa ba gekaako mo kee kere.

⁶ Nengyene genen asa ade me kere ansi kine yee me man baa ka gyan' Yesu so mo, i man baa sa de oko o' yee me' kii nu momo-nyoro gese de me' kii ka gyan' Yesu so. I lii fee me kya wora genen mo, me kya kere ansi me kii ma-a da Wurubuaare mo-bi mo ananbi ma-a mada de lewu oyii mo ne. Me kya wora genen mo, me de Yesu ansi me kya kpiide gese sansana ne.

⁷ Gesinkpan gebono ge kya nye nkyu ne ge kya wora agyudo sa asa abono me kya doo gemo mo, gemo ne n kya nye ayuule lii Wurubuaare ase.

⁸ Gesinkpan gebono, mo, ge kya nye nkyu ne ge kya koroo daa iwe de ife, ne gen kya wora agyudo sa asa abono me kya doo gemo mo, gen bo agyan ne. Wurubuaare laa toge nno wora gemo ne laalaaloge mo Wurubuaare laa baa nyoga gemo ogya.

A Nyi Aye-Asen Do Yee Feye Bere Fe Nye Wurubuaare Amolege

⁹ Me-nanboana laarese Yesu onon mo do, a kya tonge de feye fafaanan gbaa mo, a nyi aye-asen do yee feye bere, fen de genen. Feye-ilaa i kya lee nyiile yee Wurubuaare gi molege feye ne fe nye mo ase gekyena onan.

¹⁰ Wurubuaare kya kyu daa gesintin gyi asa nbele; on kya tan gesun gebono fe wora sa mo mo. Genobono fe kpaa feye-nanboana abono me kya son Yesu mo ne fe san fe kya kpaa momo

mɔ, ɔ man tan imɔ so. Imɔ ne n kya nyiile yee fe kya laare mɔ-ilaa.

¹¹ Ilaa ibono i tansi i tiri aye lii feye ase mɔ ne n gye yee feye okamaase o' kyu gensipeere keda genen kpaa loge. Fe wɔra genen mɔ, ilaa ibono feye-ansi a gyan' imɔ so mɔ i laa nye ba gesintin sa feye.

¹² A men kya laare yee fe' wɔra awolegyobo. A kya laare fee fe' nye ilaa ibono Wurubuaare gi ka yela mɔ. Imɔso fe' kase asa abono me kya ka gyan Wurubuaare so ne me kya nye gisen de me' nye ilaa ibono Wurubuaare gi ka yela sa mɔmɔ mɔ.

Wurubuaare Gi Ka Yela Ne ɔ Kere Fee Mɔ-Nyoro Mɔ, Ilaa Mɔ I Laa Ba

¹³ Owi obono Wurubuaare laa ka ilaa yela sa Aberaham mɔ, ɔ men nye obono ɔ don mɔ Wurubuaare mɔ de ɔ' nye toge yee, “Ne kere fee genen kaase baare.” Imɔso ɔ toge daa yee ɔ kere fee mɔ-nyoro.

¹⁴ Wurubuaare gi ka sa Aberaham yee, “In bo sei, nan yuule fo de fo-ilin i' tansi yelege.”

¹⁵ Aberaham gi nye gisen gyoo ilaa ibono Wurubuaare gi ka yela sa mɔ mɔ, ne gesintin, ɔ baa nye imɔ.

¹⁶ Nyamese kya ka mɔ, ɔ kya kere daa obono ɔ don mɔ mɔ de ɔ' toge yee ɔ kere fee ode. Imɔ ne n kya keda asa nyoro yee ibono ɔ toge mɔ i gye gesintin, ne i kya mɔo akyoole abono nkana me laa soo mɔ pewu genɔ.

¹⁷ Genen ne Wurubuaare kya laare yee mɔ-ade me' nye bii mɔmɔ-asen do yee ɔ man baa

kyεεge mɔ-geɔ. Mε laa nye ilaa ibono ɔ ka yela sa mɔmɔ mɔ. Imɔso ne ɔ ka daa yeε ɔ kere fεε mɔ-nyoro mɔ.

¹⁸ Wurubuaare gi kpe ka yela mɔ, ɔ ka daa. Ne ɔ kere fεε mɔ-nyoro mɔ, inɔ bo no yeε ɔ laa kyεεge imɔ abεε ɔ keε abon. Genen ilaa inyɔ ide so mɔ, aye abono a sele kpaa bukaa mɔ mɔ, i kaabore i' keda aye-nyoro gikyɔ yeε a laa nye ilaa ibono ɔ ka yela sa aye, ne aye-ansi a gyan' imɔ so mɔ. Imɔ ne n gye Yesu amɔlegε mɔ.

¹⁹ Ibono aye-ansi a gyan' Yesu so faa mɔ i yege aye-asen a te aye geten kolon aye-gεkyena dɔ. Yesu so mɔ, a nye ayaa yelese, ne sei manɔ taale wɔra aye. Mɔ-lɛwu mɔ so mɔ i wɔra fεε ɔ kpaga gikuru gibono gi barage Wurubuaare tudɔ-tudɔ lεε ɔson obu mɔ, ne ɔ loo.

²⁰ Yesu gi loo nno mɔ, aye-giyaa dɔ ne ɔ loo genen. Mɔ ne n bugi ɔkpa sa aye de aye-re Wurubuaare kee a' nye saare abara dɔ. Wurubuaare gi yege ɔ te gεbunono ɔ sa aye Wurubuaare asonbo mɔ gεkpaa-gεkpaa. ɔ yege ɔ wɔra mɔ-asunbi alεbo gεmu buu de ɔkpa ɔbono so ɔ naa kyena lεε Mεkisedε ne ɔ wɔra mɔ-asunbi ɔlεbo mɔ.

7

Mεkisedε Gi Tansi Wɔra Nyamesε Gbaa' Gεsintin So

¹ Mεkisedε baare gi gyi gεwura Salem ɔsowole so, ne ɔ wɔra asunbi ɔlεbo kee sa Wurubuaare ɔbono ɔ gye Gitobele mɔ. Owi ɔko dɔ mɔ aye Isirale awura aye-naana Aberaham mɔ-re mɔ-ade mε kpaa kɔ iko bele de awura ako mɔmɔ-re

mómó-ade. Aberaham mǎ-re mǎ-ade me kǎ ikǎ mǎ lii, ne me kii me kya kpe gɛwi mǎ, Mɛkisedɛ baare gi lii gyangara mómó. Mɛkisedɛ gi sa Aberaham ɔlon Wurubuaare ginyen dǎ.

² Ne Aberaham, mǎ, gi ye ilaa kamaase ibono ɔ nye lii ikǎ mǎ dǎ mǎ gikpadǎ gudu-gudu ne ɔ kyu gikolon-gikolon kyu sa Mɛkisedɛ yɛɛ ibono ɔ gye Wurubuaare asunbi ɔlɛbo so mǎ, mǎ-lɛɛ ogyiten ne. (Mɛkisedɛ ginyen mǎ gɛsɛ ne n gye yɛɛ “Wura ɔbono mǎ-gisen dǎ i boran.” Ibono ɔ gye wura sa Salem ɔsowolɛ mǎ, i yɛgɛ ɔ nye ginyen nyɔsɛ yɛɛ “Wura ɔbono ɔ kya bara gisen yuuli.”)

³ Wurubuaare agyebi dǎ mǎ me menɛ ɛmarase sei-sei kyu lii genen Mɛkisedɛ baare mǎ-sɛ so abɛɛ mǎ-nyi so abɛɛ mǎ-naanaana gifyan so gifyan so ilaa yela. Me menɛ kii ɛmarase yɛɛ gɛkɛ gɛdɛ ne i kyu korogɛ mǎ abɛɛ gɛkɛ gɛdɛ ne ɔ kyu wu'. Ibono a nyi kyu lii mǎ so mǎ ne n gye yɛɛ ɔ gye Wurubuaare asunbi ɔlɛbo gɛkpaa. Genen so ne ɔ dɛ fɛɛ Wurubuaare mǎ-bi mǎ.

⁴ Genen Mɛkisedɛ baare gi tansi wǎra nyamesɛ gbaa' gɛsintin so. Aberaham ɔbono ɔ gye aye Isirale awura ɔpaa gyangbarase mǎ gbaa gi ye ilaa ibono ɔ nye lii ikǎ ibono ɔ kpaa kǎ mǎ dǎ mǎ gikpadǎ gudu-gudu ne ɔ kyu gikolon-gikolon kyu sa Mɛkisedɛ yɛɛ ibono ɔ gye asunbi ɔlɛbo so mǎ, mǎ-lɛɛ ogyiten ne.

⁵ Imǎ gɛmara mǎ aye Isirale awura a baa nye nbara kyu lii Wurubuaare asunbi alɛbo ogyiten so. Nbara mǎ ne n gye yɛɛ asa mɛ' kyena me kya ye-ye mómó-ilaa ibono me kya nye mǎ dǎ gikpadǎ gudu-gudu de mɛ' kyu gikolon-gikolon

kyu kperε asunbi alεbo yεε mɔmɔ-lεε ogyiten ne. Genen asunbi alεbo abono mε kya lii daa Lεfi gεsu dɔ wolε. Mε gyε daa aye Isirale gεsinkpan so asa. Imɔso Aberaham ɔpaa dɔ ne mε gyε, ne mε kya nyε mɔmɔ-ilaa gyisε lii daa mɔmɔ-nanboana Isirale awura gbaa-gbaa asε.

⁶ Mεkisedε berε mεη gyε Lεfi gεsu dɔ. Imɔso ɔη kya lεε Isirale awura asunbi sa ɔmɔ. ɔη gyε aye Isirale awura mɔ dɔ gbaa. Mεkisedε gyε daa Wurubuaarε asunbi ɔlεbo so ne aye Isirale awura aye-naana Aberaham gi yε ilaa ibono pεwu ɔ nyε lii ikɔ mɔ dɔ mɔ gikpadɔ gudu-gudu ne o kyu gikolon-gikolon sa mɔ. Ne Mεkisedε mɔ gi sa Aberaham ɔlon Wurubuaarε ginyen dɔ. Ba-a ibono Wurubuaarε gi wolaa ka ilaa dεnsε yela sa Aberaham faa, Mεkisedε gi dabɔlε don mɔ.

⁷ Inj bo akyɔɔlε; nyamesε ɔbono ɔ laa sa mɔ-nanbo ɔlon Wurubuaarε ginyen dɔ mɔ gi don ɔbono ɔ kya nyε genen ɔlon ɔbono mɔ.

Mεkisedε Gebelensε Gε Don Gyuda Awura Asunbi Alεbo Pεwu-Lεε

⁸ Mεkisedε ɔbono ɔ nyε mɔ-lεε ogyiten faa, Wurubuaarε agyεbi mɔ a mεη taa tɔgε yεε o wu' de a' nu. Nkana aye Isirale awura mɔ dɔ mɔ, asa abono mε kya nyε mɔmɔ-ilaa gyisε lii aye asensε asε mɔ, a nyi ibono mɔmɔ berε mε kya wu'.

⁹⁻¹⁰ Lεfi gεsu dɔ asa ne n gyε genen asa abono. Aberε abono Aberaham gi gyangara Mεkisedε ne ɔ sa mɔ mɔ-lεε ogyiten mɔ, inj ti taa korogε Lεfi. Imɔ-rε imɔ genen gbaa mɔ, a kya kyu imɔ yεε Lεfi ne n sa Mεkisedε genen. I lii fεε kyu naa

de Aberaham so ne i kyu koroge Lefi. Imoso Mekisede gi don Aberaham mo-re Lefi.

¹¹ Nkana Mosisi nbara mo gi kya nyiile Isirale awura yee Lefi gesu do ne me' wora Wurubuaare asunbi alebo sa momo. Lefi onaanabi Aron gikpen mo me kya lee asunbi imo-okpa so mo, in dabole ta gudu sa Wurubuaare. Imoso Wurubuaare gi lee oko kpei obono on gye Lefi gesu do fee genobono o lee Mekisede mo. On baa lee mo okpa obono so o lee Aron mo-re mo-gikpen mo. Obono o san lee mo ne n gye Yesu. Nengyene fee Aron-lee mo anan ta gudu mo, nkana in baa tiri yee oko o' baa kii ba.

¹² Wurubuaare laa kyeege genobono o kyu lee mo-asunbi alebo mo, i tiri yee o' kyeege nbara mo kee.

¹³⁻¹⁴ Aye-Wura Yesu obono a dare mo men gye Lefi geten do isa. O gye Isirale awura geten geko do ibono in bo akyole. O gye daa Gyuda geten do isa. Nkana Wurubuaare nbara nbono Mosisi gi yela mo gin kya sa okpa de Gyuda geten do asa me' wora Wurubuaare asunbi alebo, ne Gyuda geten do isa oko-re oko men wora Wurubuaare asunbi olebo geakaako kere.

Yesu Gebelense De Mekisede-Lee Ge Lii Abara

¹⁵ Fee genobono a toge kyon mo, a wu yee Yesu gye Wurubuaare asunbi olebo oko kpei, mo-re Mekisede ilaa i laare i' lii abara.

¹⁶ I lii fee Wurubuaare men lee mo lii Lefi gesu do de o' wora mo-asunbi olebo fee genobono Mosisi nbara mo gi kya nyiile mo. O kere daa Yesu oduduu obono o bo ne o man baa kii wu'

gekaka kpa-a mo ne o lee mo de o' wora mo-asunbi olebo.

¹⁷ Wurubuaare gi lee nyiile Yesu yee,
 "Fo gye asunbi olebo gekpaa-gekpaa.
 Okpa obono so ne naa kyena yee

Mekisede gi wora asunbi olebo mo
 genen okpa obono so kee

ne ne kyu fo wora asunbi olebo faa."

¹⁸ Ilaa ide i kya nyiile yee Wurubuaare gi nyaa dedaa-lee asunbi alebi mo yela nkan ne. I lii fee genen asunbi abono onan ah kya taale molege nyamese de o' nye Wurubuaare ase gekyena.

¹⁹ I kya nyiile yee genen Mosisi nbara nbono gi men kya yee oko-re oko o' gyi Wurubuaare ginsi. Ide kon bere, Yesu asunbi alebi abono a boran don Mosisi nbara mo a ba. Mo-lee mo so ne anyamese me laa taale kyu momo-gewonsa gyan. Amo ne nan yee de aye-re Wurubuaare nsana i loro de a' nye tu sindi mo.

Yesu Laa Wora Asunbi Olebo Gekpaa-Gekpaa

²⁰⁻²¹ I kii i bo ibono so Yesu-lee Wurubuaare asunbi alebi mo a boran don Wurubuaare asunbi alebo sense mo. Imo ne n gye yee Wurubuaare gbaa-gbaa geno do agyebi ne n yee ne Yesu gi wora Wurubuaare asunbi olebo. Wurubuaare gi ka yee,

"Fo gye asunbi olebo gekpaa-gekpaa.

Ne kere fee me-nyoro,

gekaka man kyeege me-geno togege gede
 kpa-a."

Wurubuaare asunbi alebo sense mo bere, in gye Wurubuaare geno do agyebi so ne me wora Wurubuaare asunbi alebo.

²² Lii Wurubuaare genɔ dɔ agyeɓi aɗe so ne Yesu gi wɔra ɔbono Wurubuaare gi lɛɛ mɔ yɛɛ naa de mɔ so ne mɔ Wurubuaare laa yege mɔ-rɛ anyamese mɛ' wɔra genɔ pobɔrɔ. Genen genɔ pobɔrɔ geɓono ge boran don gegyangbarase mɔ nkana ɔ yege mɔ-rɛ mɔmɔ mɛ naa kyena wɔra mɔ.

²³⁻²⁴ I kii i bo ibanban ibono so Yesu-lɛɛ asunbi alɛɛbi mɔ a don asense mɔ-lɛɛ mɔ. Imɔ ne n gye yɛɛ genen asunbi alɛɛbo abono mɛ nyaakyɔ. Genɔɔbono mɛ kya wu' mɔ so mɔ, mɛɲ kya nyɛ kyena gekpaa. Yesu bere te nkpa gekpaa-gekpaa. Ɔ wɔra Wurubuaare asunbi ɔlɛɛbo faa, ɔko man baa yii mɔ-giyaa.

²⁵ Genen so mɔ, asa abono mɛ kya tu sindi Wurubuaare kyu naa de mɔ so mɔ, ɔ bo ɔlon de ɔ' mɔlɛge ɔmɔ gekpaa-gekpaa. I lii fɛɛ owi kamaase dɔ mɔ, ɔ kpe ɔ bo no ɔ kya kole Wurubuaare ɔ kya sa mɔmɔ.

²⁶ Genen Wurubuaare asunbi alɛɛbo gemu ɔnan ne n boran sa aye anyamese. O kyu mɔ-nyoro fue sa Wurubuaare. Ɔɲ bo ilaa nyenyɛn, ne ɔ gye gisen fufuli wura. Wurubuaare gi lɛɛ mɔ lii ilaa nyenyɛn awɔrabo dɔ, ne ɔ diire mɔ kpe mɔ ase Wurubuaare dɔ.

²⁷ Wurubuaare asunbi alɛɛbo gemu sense mɔ mɛ kya lɛɛ asunbi geke kamaase. Pɛi ne mɛ laa lɛɛ asunbi sa asa de i' kpaare mɔmɔ-ilaa nyenyɛn fue sa mɔmɔ mɔ, mɛ kya daa gilɛɛ sa mɔmɔ-nyoro. Yesu bere ɔɲ bo ilaa nyenyɛn so mɔ, iɲ tiri yɛɛ ɔ' lɛɛ asunbi sa mɔ-nyoro de i' kpaare mɔ-ilaa nyenyɛn fue sa mɔ. Iɲ tiri kee yɛɛ geke kamaase mɔ ɔ' kpe ɔ kya lɛɛ asunbi ɔ kya kpe

o kya ba. Gikolon ne o kyu mo gbaa-gbaa nyoro kyu sa ne me mo. Imo ne n gye asunbi abono o lee kyu kpaare asa ilaa nyenyen fue sa mo.

²⁸ Asa abono me wora Wurubuaare asunbi alebo gemu kyu naa de Mosisi nbara mo so mo, me men bo onon mo-gibaa so de me' wora Wurubuaare gelaare. Mosisi nbara mo gemara mo Wurubuaare gbaa-gbaa genon do agyebi ne n san yege ne mo-bi Yesu gi baa wora mo-asunbi alebo gemu. Wurubuaare gi yege Yesu bere gi wora mo Wurubuaare gisen do ilaa pewu sa mo kpaaloge.

8

Yesu Gye Wurubuaare Asunbi Alebo Gemu Wurubuaare Do

¹ Ide kon fe' nu ilaa ibono a kya laare a' nyiile mo. A bo genen Wurubuaare asunbi alebo gemu onon abono a dare faa. Mo bere o te Wurubuaare abono o gye Gitobele mo gibaa gyise so o kya gyi gewura.

² O kya wora asunbi alebo gesun Wurubuaare ononon abono o bo Wurubuaare do ne Wura Wurubuaare gbaa-gbaa ne n yii mo mo. In gye Wurubuaare onon panpan abono anyamese me yii gesinkpan so mo.

Gesinkpan So Asunbi A Kya Lee Wurubuaare Do-Lee Mo Onon Nyiile

³ Wurubuaare asunbi alebo gemu kamaase gesun gebono Wurubuaare gi sa mo mo ne n gye yee o' kyu asa ilaa ibono me kya kyu bara Wurubuaare mo de mo-asunbi ato lee asunbi

sa Wurubuaare. Imoso i kaabore yee Yesu obono o te gebunono sa aye Wurubuaare do mo kee o' nye ilaa ibono o laa kyu lee asunbi sa Wurubuaare sa aye mo.

⁴ Ne fee Yesu bo daa gesinkpan so mo, nkana o man nye wora Wurubuaare asunbi olebo kpa-a. I lii fee Mosisi nbara mo do mo, i bo asa abono i kaabore momo-wole ne me' lee asunbi sa asa.

⁵ Genen gesinkpan so-lee asunbi alebo mo gesun gebono me kya wora mo ge kya lee genobono Wurubuaare do-lee i de mo onan nyiile aye daa. I men gye imo gbaa-gbaa ne i gye. I de daa fee genobono Wurubuaare gi toge sa Mosisi yee, "Kere de fo' yii me-son panpan fee genobono ne kaala nyiile fo gibii mo so mo."

⁶ Gesun gbaa' gebono Wurubuaare gi kyu wora Yesu Kirisito abaa do mo bere ge tansi don gebono Wurubuaare gi kyu sa gesinkpan so asunbi alebo mo. Genen kee ne o yele anyamese mo-re Wurubuaare nsana, ne Wurubuaare mo-re anyamese me naa de mo so wora geno poboro gebono ge boran don geno gebono Wurubuaare mo-re anyamese me naa de Mosisi nbara mo so wora mo. Geno poboro mo do mo Wurubuaare gi ka ilaa dense yela sa aye anyamese. Genen ilaa dense ibono kee i boran don geno gyangbarase mo-lee mo.

Geno Dedaa De Geporo

Gebono Wurubuaare Mo-re Anyamese Me Wora Mo

7 Nengyene fεε genɔ gyangbarase gebono Wurubuaare mɔ-rε anyamese me wɔra mɔ ge nan ta gudu mɔ, nkana i maŋ baa kii tiri genɔ nyɔse.

8-9 Wurubuaare gi wu yeε genɔ gyangbarase mɔ ge meŋ ta gudu so mɔ, ɔ tɔge yeε,

“Owi ɔbono ne keda Isirale awura de Gyuda awura de gibaa

lii Igyipiti awura gesinkpan so mɔ,
ne yege me-rε mɔmɔ a wɔra genɔ.

Gεkaako mɔ i laa ba yeε nan yege me-rε mɔmɔ-naanaana

a laa kii wɔra genɔ pobɔɔ. Genɔ gebono bere

ge maŋ wɔra fεε gεgyangbarase mɔ.

Mɔmɔ abono me meŋ gyi genɔ gebono so.

I ba genen mɔ, i yege me kee meŋ ka mɔmɔ-genɔ.

10 Nke nbono gi laa ba mɔ dɔ mɔ,

nan yege me-rε mɔmɔ-naanaana a' wɔra genɔ pobɔɔ.

Me Wurubuaare ne n kya tɔge yeε,

genen genɔ pobɔɔ gebono dɔ mɔ,
mɔmɔ-nwɔnsa dɔ de mɔmɔ-asen dɔ
ne nan kyu me-nbara mɔ wɔra.

Nan wɔra mɔmɔ-Wurubuaare ne mɔmɔ mɔ,

me laa wɔra me-ade.

11 ɔko-rε ɔko maŋ baa tɔge sa mɔ-nanbo abεε mɔ-subu ɔko

yeε ɔ' baa bii me Wurubuaare.

I lii fεε mɔmɔ ɔkamaase, nbii de abelense pεwu, me laa bii me.

12 Nan kyu mɔmɔ ɔkamaase ilaa nyenyen ibono ɔ wɔra mɔ

kyεε mɔ, ne maŋ baa nyingi imɔ gεkaako kpa-a.”

¹³ Ibono Wurubuaare gi tɔge kyu lii genɔ poboro mo so mo ɔ yege gegyangbarase mo ge wɔra gededaa. Ilaa ibono, mo, imɔ-iwolɛ i wu' abɛɛ i wɔra idedaa mo, inj kya keela ne i kya fue sii.

9

Genɔ Gyangbarase Mo Ɔson Ilaa

¹ Genɔ gyangbarase gebono Wurubuaare mo-re anyamese me wɔra mo do mo, i bo imɔ-lɛɛ ɔson nbara, ne i bo imɔ-ɔsonten ɔbono anyamese ne n yii mo gesinkpan so.

² Genen ɔsonten mo gye daa panpan. Me ten ibu inyo wɔra mo do. Ansi do lɛɛ obu mo do mo, i bo ɔson ifatela ɔgyanten de ɔson teebulu. Bodobodo ɔbono asa me kya kyu sa Wurubuaare mo kya gyan' teebulu mo so nno. Me kya tere genen obu ɔbono yee Wurubuaare ansi do lɛɛ obu,

³ ne me kya tere tudɔ-tudɔ lɛɛ obu ɔbono me ten wɔra mo yee Wurubuaare obu bele. Gikuru ne n barage ansi do lɛɛ mo de tudɔ-tudɔ lɛɛ obu mo do.

⁴ Tudɔ-tudɔ lɛɛ obu mo do mo, i bo Wurubuaare ɔson onufuii ɔdeeten ɔbono me kyu sika kɔkɔɔ nkyu kokuaa mo mo. Ɔson ato gidɛkaa kee gi de genen obu ɔbono do. Me kya tere genen gidɛkaa gibono yee “genɔ gebono Wurubuaare mo-re anyamese me wɔra mo gidɛkaa”. Gidɛkaa mo nyoro so geten kamaase mo, i gye daa sika kɔkɔɔ nkyu. Gimɔ do mo i bo sika kɔkɔɔ bonboron, de agyudɔ abono me kya tere amo yee “mana” mo, de Aron oyii tugese ɔbono ɔ poroge afɛdaa mo. Abui patela-patela ako a bo gidɛkaa

mɔ dɔ kee. Abui abono so ne Wurubuaare gi ηmarase genɔ gebono ɔ yege mɔ-re anyamese me wɔra mɔ gyan.

⁵ Gidekaa mɔ obundii so mɔ, me pɔrɔ ilaa ikoana gyan' fɛɛ Wurubuaare dɔ isɔɔ. Genen isɔɔ mɔ i kya lɛɛ Wurubuaare nyisigyɪ nyi-ile owi kamaase. Me kya tere obundii mɔ yeɛ ilaa nyenyen ɔkpaarefuten. Isɔɔ mɔ me wɔnga mɔmɔ-aban bun genen ilaa nyenyen ɔkpaarefuten mɔ. A maη nye nyoro aberɛ adɛ dɔ de a' tɔge imɔ so ilaa kamaase loge.

Gesinkpan-Lɛɛ Asunbi Aη Kya Kpaa

De Ilaa Nyenyen I' Lii Asa Nwɔnsa Dɔ

⁶ Me wɔra imɔ ide pɛwu mɔ, i san mɔ, Wurubuaare asunbi alɛbo mɔ me san me kya loo ɔsonten mɔ ansi dɔ-lɛɛ obu mɔ dɔ me kya wɔra ɔson mɔ ilaa wɔrase me kya kpe me kya ba.

⁷ Tudɔ-tudɔ lɛɛ obu mɔ dɔ bere, Wurubuaare asunbi alɛbo gemu mɔ wole ne n kya nye loo nno. Gesi dɔ mɔ gikolon guan ne ɔ kya loo nno. ɔ laa loo nno genen mɔ, i kaabore o' kyu nbue nkalan loo de o' kyu kpaa lɛɛ asunbi abono a laa yege Wurubuaare o' kyu mɔ gbaa-gbaa ilaa nyenyen de asa sense-lɛɛ ilaa nyenyen ibono me wɔra ne meη nyi mɔ kyɛɛ mɔmɔ.

⁸ Kyu naa de ɔson ilaa wɔrase idɛana so mɔ, Wurubuaare Oduduu mɔ kya lɛɛ nyiile yeɛ owi ɔbono ɔkara genen gesinkpan so-lɛɛ Wurubuaare ɔsonten baare san ɔ bo no mɔ, Wurubuaare meη ti sa ɔkpa de mɔ-asonbo me' nye kyon loo Wurubuaare obu bele mɔ dɔ.

⁹ Ɔson ilaa wɔrase ide i gye daa gikpale kyu lii nke nde do-lee Wurubuaare ɔson mo so. I kya nyiile aye yee nbue nbono asa me kya kyu kyoolɛ Wurubuaare de asunbi abono me kya lee kyu naa de Mosisi nbara mo so mo i manj taale yee nyamese gisen gi' kyena mo geten kolon yee ilaa nyenyen ibono ɔ wɔra mo i manj baa nyida mo-re Wurubuaare nsana.

¹⁰ I gye daa nbara kyu lii ilaa gyise de ilaa nunse so de asunbi kpei-kpei abono a kya lee ilaa kyolesese lii asa nyoro so sa ɔmo. Genen nbara nbono gi de baa fo owi obono Wurubuaare gi san bara ilaa poboro mo.

Yesu Gi Lee Asunbi Gikolon Kpaare Aye-Ilaa Nyenyen Fue Gekpaa

¹¹ Ide bere Wurubuaare gi sun anyamese ɔmolegebo ne ɔ baa wɔra Wurubuaare asunbi alebo gemu. Mo ne n bara ilaa dense ibono a kya nye mo. Ɔ wɔra mo-asunbi olebo gesun mo, i menj gye gesinkpan so-lee ɔsonten obono anyamese me yii mo do ne ɔ loo kpaale lee genen asunbi abono. Ɔ loo daa ɔsonten obono ɔ don gesinkpan so lee mo do. Genen ɔsonten obono kya gyi Wurubuaare ginsi don gesinkpan so lee mo.

¹² Wurubuaare geten' do ne n gye genen ɔsonten obono. Ɔ loo nno gikolon genen mo, i ta. I kya nyiile yee i menj gye itiide de inaadeana nkalan ne o kyu kpaale loo de o' kyu lee asunbi. Mo gbaa-gbaa lee nkalan ne o kyu loo. Genen ne ɔ wɔra ne ɔ sɔge aye lii ilaa nyenyen pewu gemu mo abaa do kiiri aye wɔra Wurubuaare abaa do gekpaa-gekpaale.

13 Asunbi alɛɛbo mɔ mɛ kya dɛɛ nnaadɛbi de mɛ' kyu nmɔ-nsɔ de itiide de inaade nkalan kyu lɛɛ asunbi sa asa. Genen asunbi abono an gye gisen dɔ ilaa gbaa ne a kya taale lɛɛ ilaa kyɔlesɛɛ lii asa nyoro so sa mɔmɔ faa.

14 Ne Kirisito-lɛɛ nkalan mɔ de-e? Nmɔ nbono bere gi laa kpaare ilaa nyenyen ibono i tɛɛ aye-rɛ Wurubuaare nsana mɔ lii aye-asen dɔ. A laa nye de a' kpe a kya son Wurubuaare ɔbono ɔ bo no aberɛ kamaase dɔ mɔ. I lii fɛɛ Kirisito gi kyu mɔ-nyoro kyɛɛ ne ɔ lɛɛ asunbi sa Wurubuaare aye so. A nyi ibono Yesu asunbi alɛɛbi mɔ a gyi Wurubuaare ginsi gekpaa. I lii fɛɛ ɔn wɔra ilaa nyenyen gekaako kerɛ, ne o wu' sa aye kyu naa de Wurubuaare Oduduu ɔbono ɔ kpe ɔ bo no aberɛ kamaase dɔ mɔ.

15 Imɔso Kirisito ne n gye ɔbono ɔ yelɛ anyamesɛ mɔ-rɛ Wurubuaare nsana. Lii mɔ so ne Wurubuaare gi yege mɔ Wurubuaare mɔ-rɛ anyamesɛ mɛ kii wɔra genɔ pobɔrɔ faa. I kya nyiile yeɛ genɔ gyangbarasɛ gebono Wurubuaare gi wolaa yege aye-rɛ mɔ a wɔra mɔ a tɔrɔ gemɔnbara. Imɔso Kirisito gi kyu mɔ-nkpa kyare ne i ka gikɔ de i' mɔlɛge aye lii genen ilaa nyenyen ibono dɔ. O wu' sa aye genen mɔ, aye abono Wurubuaare gi tɔge aye yeɛ a' son mɔ mɔ a laa nye nye ilaa dense ibono ɔ wolaa ka yela sa mɔade mɔ. Ne genen ilaa ibono bere i man ta ɔkara.

Nkalan Gi Laa Kyɛɛge Fue

Pɛi De Wurubuaare ɔ' Kpaare Ilaa Nyenyen Fue

16 Nengyene nyamese mɔ-re mɔ-subuana me wɔra genɔ mɔ-togyi so yela mɔ, kaase mɔ laa wu' pɛi de ilaa ibono i' lɔɔ nye wɔra gesun.

17 I lii fɛɛ lɛwu ne n kya yɛɛ ne asa me kya gyi ɔko atɔ. Owi ɔbono ɔɲ ti wu' mɔ, genɔ gebono ge maɲ taale yɛɛ ɔko ɔ' nye gyi mɔ-atɔ.

18 Genɔ gyangbarase gebono Wurubuaare mɔ-re anyamese me wɔra mɔ kee ge tiri yɛɛ nkalan gi kyɛɛɛɛ fue pɛi de me' taale gyi genen genɔ mɔ so.

19 Owi ɔbono Wurubuaare mɔ-re anyamese me laa baa gyi genɔ gyangbarase mɔ so mɔ, Mosisi gi kale nbara nbono me ɲmarase yela mɔ nyiile asa mɔ pɛwu. Nfono mɔ o kyu itiide de inaade nkalan de nkyu saare, ne o kyu giponfe gibono me kya tere yɛɛ hisopo mɔ de sande ifuu pebara kyu ɲminde dabɔle, ne o kyu nyɔɔ nkalan de nkyu mɔ dɔ, ne o kyu ɲmade-ɲmade nbara ɔwole mɔ de asa mɔ pɛwu,

20 ne ɔ tɔge yɛɛ, “Nkalan nde ne Wurubuaare gi kyu nyise gibaa yɛɛ fɛye-re mɔ fe wɔra genɔ. Fe' gyi genɔ mɔ so.”

21 Mosisi gi kii kyu nkalan mɔ kyu ɲmade-ɲmade Wurubuaare ɔson panpan mɔ dabɔle de ɔson ilaa mɔ pɛwu.

22 Mosisi nbara mɔ dɔ mɔ, ne fɛɛ iɲ gye ilaa kalese iko so mɔ, nkana nkalan wole ne me kya kyu lɛɛ ilaa kyɔlesese lii ilaa kamaase so. Nyamese maɲ nye Wurubuaare ɔ' kpaare mɔ-ilaa nyenyen ibono ɔ wɔra mɔ fue sa mɔ, genen mɔ, nkalan gi kyɛɛɛɛ fue pɛi.

Kirisito Gi Wu' Sa Aye Gikolon, Ne ɔ Laa Kii

Ba Gesinkpan So Ginyɔse

²³ Gesinkpan gɛdɛ so ɔson ilaa i lii Wurubuaare dɔ lɛɛ mɔ daa. In gye yɛɛ imɔ gbaa-gbaa bere ne i gye. Imɔso ne i kaabore yɛɛ nbue nkalan ne anyamese mɛ' kyu lɛɛ asunbi de i' lɛɛ ilaa kyɔlesese sa mɔmɔ mɔ. Wurubuaare dɔ ɔson ilaa bere, i kaabore i' nye asunbi abono a don nbue nkalan-lɛɛ asunbi mɔ. Genen asunbi ne Kirisito gi kyu mɔ gbaa-gbaa lɛɛ nkalan kyu lɛɛ mɔ.

²⁴ ɔ loo Wurubuaare gɛten' dɔ. Nno ne n gye Wurubuaare dɔ. In gye gɛten' gɛbono anyamese mɛ kyu mɔmɔ-abaa yii mɔ dɔ ne Kirisito gi loo genen. Gɛsɛ gɛrɛ-lɛɛ Wurubuaare ɔsonten mɔ kya lɛɛ Wurubuaare dɔ-lɛɛ mɔ ɔnan nyiile daa. I mɛn gye Wurubuaare dɔ-lɛɛ mɔ gbaa-gbaa. Idɛ kon mɔ aye abono a ka gyan' Kirisito so mɔ a nye Kirisito bo Wurubuaare ase aye-giyaa dɔ.

²⁵ Kirisito gi loo Wurubuaare dɔ genen mɔ, i mɛn gye yɛɛ ɔ kpɛ ɔ dɛ mɔ-nyoro ɔ kya lɛɛ asunbi gɛsi kamaase fɛɛ gɛnɔɔbono Isirale awura Wurubuaare asunbi alɛɛbo gɛmu mɔ kya kyu nbue nkalan loo Wurubuaare obu belɛ mɔ dɔ mɔ lɛɛ asunbi sa Wurubuaare gɛsi kamaase mɔ.

²⁶ Fɛɛ genen ne i dɛ mɔ, nkana kpɛ kyu lii owi ɔbono Wurubuaare gi lɛɛ soso de gɛsɛ baa lii de ndɛ faa, ɔfaanan Kirisito kpɛ san ɔ kya wu ɔlaawuse ɔ kya kpɛ ɔ kya ba. Owi ɔbono gesinkpan so gɛkyena nke mɔ gi kya ba laalaalogɛ faa, Kirisito gi kpɛ loo Wurubuaare dɔ daa gikolon. Mɔ-nyoro ne ɔ kyu sa ne mɛ mɔɔ, ne i wɔra asunbi abono ɔ lɛɛ aye anyamese gimu

so de i' nye kpaare aye-ilaa nyenyen fue sa aye.

²⁷ I de sa nyamese yee o' wu' gikolon, de imo gemara mo, Wurubuaare o' gyi mo-nbele.

²⁸ Genen kee ne Kirisito gi wu' gikolon ne o lee asunbi sa Wurubuaare ne i kpaare asa sakyoo ilaa nyenyen fue sa momo. Imoso i gye gesintin yee gekaako o laa kii ba gesinkpan so ginyose. Abere abono bere mo, i men baa i gye yee asa ilaa nyenyen gikpaare fue so ne o naa. Ginyose gibono o laa ba mo, o laa baa molege asa abono momo-ansi a gyan' mo so mo de me' nye Wurubuaare ase gekyena.

10

Yesu Gi Ba Baa Wora Wurubuaare Gelaare

¹ Oson ilaa ibono Mosisi nbara mo gi kyu ba mo i dabole lii Wurubuaare do lee mo faa mo, i men taale wora fee imo gbaa-gbaa. Imoso ibono asa mo me kya lee asunbi kolon abono sa Wurubuaare gesi kamaase do me kya kpe me kya ba faa mo, asunbi mo a man taale kpaare asa abono me kya laare me' tu sindi Wurubuaare mo ilaa nyenyen fue de me' gyi Wurubuaare ginsi kpaa loge.

² Ne fee asunbi ade a laa taale kpaare Wurubuaare asonbo ilaa nyenyen fue sa momo gekpaa mo, nkana ofaanan me laa bii momo-asen do yee ilaa nyenyen iko in baa i bo momo-re Wurubuaare nsana de me' man baa lee genen asunbi abono.

³ Genobono i de faa mo, genen asunbi abono me kya lee mo a kya yee me kya nyingi ilaa nyenyen ibono me wora mo gesi kamaase.

4 I lii fεε inaade de itiide-leε nkalan gi man taale kpaare nyamese ilaa nyenyen ibono ɔ wɔra mɔ fue sa mɔ kpa-a.

5 Imɔ ideana so ne owi ɔbono Kirisito gi ba gesinkpan so mɔ ɔ tɔge sa Wurubuaare yεε,
 “Akyɔɔletɔ de asunbi atɔ bere i men kya da fo ɔbole;
 fo yεge ne bingiri nyamese. Fo sa me nyamese nyoro.

6 Ibono me kya kyu nbue kyɔɔle fo abee me kya kyu lee asunbi
 de i' kpaare mɔmɔ-ilaa nyenyen fue mɔ,
 imɔ iko i men kya gyi fo-ginsi.

7 Nfono ne ne tɔge yεε, ‘O Wurubuaare, me ne.
 Ne ba de n' baa wɔra fo-gelaare
 fεε genɔɔbono me wolaa ηmarase
 tɔge me-nyoro so ilaa fo-agyebi ɔwole mɔ dɔ mɔ.’ ”

8 Owi ɔbono Kirisito gi tɔge genen ilaa ide sa Wurubuaare mɔ, ɔ daa gitɔge yεε, “Akyɔɔletɔ de asunbi atɔ de nbue nbono me kya kyu kyɔɔle de asunbi abono me kya lee yεε fo' kpaare mɔmɔ-ilaa nyenyen fue sa ɔmɔ mɔ, i men kya da fo ɔbole ne i men kya gyi fo-ginsi.” (Yεge nkana asunbi abono Mosisi nbara mɔ gi kya nyiile yεε me' lee mɔ ne.)

9 Imɔ ide gemara ne Kirisito gi kii tɔge bola yεε,
 “O, Wurubuaare! Me ne; ne ba de n' baa wɔra fo-gelaare.”

Ide i kya nyiile aye yεε Wurubuaare gi kpaare genɔ gyangbarase gebono ɔ yεge mɔ-re anyamese me daa giwɔra mɔ, ne ɔ san kyu gepoboro yii giyaa.

10 Wurubuaare gelaare gebono Yesu Kirisito gi baa wɔra mɔ ne n yege ne Wurubuaare gi kpaare aye-ilaa nyenyen fue sa aye. Imɔ ne n gyɛ yɛ Kirisito gi kyu mɔ gbaa-gbaa mɔ-nyoro kyu lɛ asunbi sa Wurubuaare gikolon de i' nye lɔɔ aye yela sa Wurubuaare gekpaa-gekpa.

Asunbi Kolon Ne N Yege Ne A Wɔra Gisen Fufuli Awura Gekpaa

11 Wurubuaare asunbi ɔlɛbo kamaase kpe ɔ yeɛ ɔ de asunbi gilɛ dɔ ɔ kya sa Wurubuaare gekɛ kamaase. Ɔ kpe ɔ kya lɛ genen asunbi kolon abono ɔ kya kpe ɔ kya ba. Genen asunbi abono a mɛn kya taalɛ kpaare anyamese ilaa nyenyen ibono mɛ wɔra mɔ fue sa mɔmɔ kpa-a.

12 Kirisito berɛ gi wu' sa aye de i' wɔra ilaa nyenyen gikpaarefue asunbi abono a bo no gekpaa-gekpa. Genen asunbi kolon abono a kya taalɛ kpaare anyamese ilaa nyenyen fue sa mɔmɔ owi kamaase dɔ. Ɔ lɛ asunbi mɔ ta genen mɔ, ɔ kpa kpeleɛ kyena Wurubuaare gibaa gyise so mɔ-rɛ mɔ mɛ kya gyi gɛwura.

13 San kyu lii genen aberɛ abono kyu kyon mɔ, ɔ tɛ ɔ gyoo owi ɔbono Wurubuaare laa yege ɔ' kyise mɔ-akyobo de mɔ-ayaa mɔ.

14 Asunbi kolon guan ne ɔ kpe lɛ, ne genen asunbi abono a kya yege aye abono ɔ lɔɔ yela sa Wurubuaare mɔ a kya nye gyi Wurubuaare ginsi kpa logɛ gekpaa-gekpa.

15 Wurubuaare Oduduu mɔ kee gi tɔge imɔ so ilaa sa aye. Ɔ tɔge yɛ,

16 “Nke nbono gi laa ba mɔ dɔ mɔ,

nan yεge me-re anyamese a' kii wora genɔ
pɔbɔrɔ.

Me Wurubuaare ne n kya tɔge yεε,
'Genen genɔ pɔbɔrɔ gebono dɔ mɔ,
mɔmɔ-nwɔnsa dɔ de mɔmɔ-asen dɔ ne nan
kyu me-nbara mɔ wɔra.' "

¹⁷ Ne Wurubuaare gi kii tɔge yεε,
"Man baa nyingi mɔmɔ-ilaa nyenyen ibono me
wɔra mɔ
de genɔbɔno me tɔrɔ me-nbara mɔ
gekaako kpa-a."

¹⁸ Imɔso ibono Wurubuaare gi nye tɔge yεε o kyu
asa ilaa nyenyen ibono me wɔra mɔ kyεε mɔmɔ
faa mɔ, i men baa i tiri yεε me' kii lεε asunbi de
i' kpaare mɔmɔ-ilaa nyenyen fue.

A' Kyu Gesintin De Gikagyan Tu Sindi Wurubuaare

¹⁹ Imɔso me-nanboana, ibono Yesu gi kyεεge
mɔ-nkalan fue sa aye so mɔ, a kya da otu loo
Wurubuaare ase mɔ-obu bele mɔ dɔ.

²⁰ Yesu ne n bugi genen ɔkpa pɔbɔrɔ ɔbono sa
aye kyu naa de mɔ gbaa-gbaa nyoro gibi mɔ so.
Ɔ yεge gikuru gibono gi barage Wurubuaare ibu
inyɔ mɔ dɔ mɔ gi tigi sa aye ɔkpa de a' nye kyon
loo Wurubuaare ase. Genen ɔkpa ɔbono kya sa
aye gekeyena gekpaa.

²¹ Npere a nye ɔbono ɔ gye Wurubuaare asunbi
ɔlεεbo bele. Ɔ kya kerε Wurubuaare geten' dɔ
asa so.

²² Imɔso a' kyu gesintin ka gyan Wurubuaare
so de a' tu sindi mɔ, de a' lεε akyɔɔle kamaase lii
aye-asen dɔ. Wurubuaare gi yεge a' bii aye-gisen
dɔ yεε ilaa nyenyen ibono a wɔra mɔ i men baa i

kya nyida aye-re mo nsana, ne o yegge a nye nkyu dense gyere.

²³ A' yele aye-ayaa so girin de aye-ansi a kpe gyan' ilaa dense ibono Wurubuaare gi ka yela sa aye ne a kya lee toge yee a soo imo gyi mo so. I lii fee Wurubuaare obono o ka imo yela sa aye mo gye opaaworabo.

²⁴ A' sa abara so gewonsa de a' toge wora abara de aye pewu a' nye laare abara ilaa de a' wora gidense.

²⁵ I kaabore a' kyena a kya gyan' daboie Wurubuaare onon mo do. An sa a' taa gegyan yegge fee genobono ako me kya wora mo. Geke gebono Wurubuaare laa kyu gyi anyamese pewu nbele mo ge kya fuude. Imoso a' loro toge keda abara nyoro too.

I Tansi I Bo Gifuu Yee Wurubuaare Laa Nye Fo Oko Wora Mo-Gibaa Do

²⁶ Ibono a ti nye bii Wurubuaare gesintin faa ne a kii kere ansi a kpe a kya wora ilaa nyenyen mo, i man baa nye asunbi abono a laa baa taale kpaare aye-ilaa nyenyen ibono fue sa aye.

²⁷ A san a te a gyoo daa aye-nbele gegyike gebono ge tansi ge bo gifuu mo. Genen abere abono mo ogya gin-gin ne nan dee asa abono me kya ko de Wurubuaare mo.

²⁸ Nengyene oko men ka Wurubuaare nbara nbono Mosisi gi nmarase yela mo geno, ne anyo abee asa' me wu toge yee, "En! Kaase mo gi wora genen" mo, nbara mo gi kya nyiile yee me' mo mo. Me men sa me' su mo so.

29 Ne ɔbono, mɔ, ɔŋ kyu Wurubuaare mɔ-bi mɔ tere sei mɔ de-e? Feye ase mɔ, mene gisobiide ɔnan ne Wurubuaare laa kyu sa mɔ? ɔŋ kyu Wurubuaare mɔ-bi mɔ nkalan mɔ yee gi gye ilaa iko. Genen nkalan nbono, mɔ, ne Wurubuaare mɔ-bi mɔ gi kyeege fue de Wurubuaare mɔ-re anyamese me' nye wɔra genɔ. Kyu lii nkalan nbono so ne Wurubuaare gi lɔrɔ genen kaase mɔ yela sa mɔ-nyoro. ɔbono ɔ wɔra genen mɔ, ɔ saale Wurubuaare Oduduu ɔbono ɔ gye Gitolon Gemu mɔ ne. Imɔso Wurubuaare laa tansi biide mɔ-giso.

30 A nyi mɔ ɔbono ɔ tɔge yee,
 “Me ne n kya ka ilaa nyenyen giwɔra giko.
 Me ne nan tɛɛla ilaa nyenyen awɔrabo.”
 ɔ tɔge kee yee,
 “Me Wurubuaare nan gyi me-ade nbɛɛ.”

31 I tansi i gye ilaa ibono i bo gifuu yee Wurubuaare ɔbono ɔ bo no gekpaa-gekpaa mɔ laa nye fo ɔko wɔra mɔ-gibaa dɔ.

Feye-Ansi A Gyan Wurubuaare So Mɔ, Fe Laa Nye Ntɛɛla Beɛ

32 Fe' nyingi owi ɔbono fe daa giwu Wurubuaare fatela mɔ bii mɔ. Genen abere abono mɔ, fe wu ɔlaawuse kpɛi-kpɛi gikyɔ. Owi ɔbono fe kya kpon genen mɔ, fe taale keda nyoro.

33 Iko mɔ, asa me liire feye sansana saale feye ne me ka feye-ansi. Iko mɔ mɔ, me kya wɔra feye-nanboana ako awɔrɔfɔɔ genen mɔ, feye, mɔ, fe kya kpaa kerɛ mɔmɔ so.

34 Fe yiyee sa feye-nanboana abono ako me keda tii de ibu mɔ. Asa me sɔge feye-ato abono

fɛ bo mɔ, i mɛŋ loo fɛye. I wɔra fɛye ɔkon daa. I lii fɛɛ fɛ nyi fɛye-asen dɔ yɛɛ ilaa ibono Wurubuaare gi ka yela sa fɛye mɔ berɛ i san i bo no sa fɛye, ne i don atɔ abono gbaa bun.

³⁵ Imɔso ibono fɛye-ansi a gyan Wurubuaare ilaa so genen mɔ, fɛŋ sa fɛ' taa imɔ yɛɛ. Fɛ laa nyɛ imɔ so ntɛɛla belɛ.

³⁶ I tiri yɛɛ fɛ' nyɛ gisen de fɛ' wɔra Wurubuaare gelaare de fɛ' nyɛ ilaa ibono ɔ ka yela sa fɛye mɔ.

³⁷ Wurubuaare agyɛbi mɔ dɔ i tɔɔɛ yɛɛ,
“I san daa ŋmaraa de ɔbono ɔ laa ba mɔ ɔ' ba.
Ɔŋ baa kɛɛla.

³⁸ Ɔbono ɔ kya ka gyan me Wurubuaare so mɔ ne nan kyu yɛɛ mɔ-gisen dɔ i boran. Genen kaase ɔbono ne nan nyɛ me Wurubuaare ase gɛkyena.

Ɔbono mɔ-gisɔɔgyi gi koso me so mɔ berɛ
ɔ maŋ gyi me-ginsi.”

³⁹ Abono ɔ dare yɛɛ mɔmɔ-gisɔɔgyi gi koso Wurubuaare so ne mɛ fue mɔ-ɔkpa mɔ mɔ, aye berɛ, aŋ bo mɔmɔ dɔ. A bo daa mɔmɔ abono mɛ kya ka gyan mɔ so mɔ dɔ. Aye ne ɔ laa mɔɛɛɛ de a' nyɛ kyena mɔ ase.

11

Asa Abono Mɛ Sɔɔ Wurubuaare Gyi Mɔ

¹ Gisɔɔgyi ne n gye ilaa ibono i kya yɛɛ a' bii aye-asen dɔ yɛɛ Wurubuaare laa wɔra ilaa ibono aye-ansi a gyan' imɔ so mɔ. Gisɔɔgyi ne a kya kyu bii yɛɛ Wurubuaare ilaa ibono aŋ kya wu de ansi mɔ i bo no gɛsintin.

² Wurubuaare asonbo adedaabo mo me soo Wurubuaare gyi so mo, me gyi Wurubuaare ginsi.

³ A soo Wurubuaare gyi so mo, a kya nu gese yee Wurubuaare gi kpe toge daa de genɔ ne soso de gese i ba i bo no faa. Imoso ilaa ibono aŋ kya wu de ansi mo ne Wurubuaare gi kyu lee ibono a kya wu de ansi faa.

⁴ Abele gi soo Wurubuaare gyi so mo, o lee asunbi sa mo, ne mo-asunbi mo a gyi mo-ginsi don Keen-lee. Lii genɔobono Abele gi soo Wurubuaare gyi so mo, Wurubuaare gi kyu mo yee mo-gisen do i boran, ne o toge ilaa dense kyu lii mo-asunbi mo so. Abele gisoo gyi gide so mo, dabole ibono o ti wu' faa, mo-ginyen gi san gi de baa lii de nde.

⁵ Inoki gisoo gyi so mo, o men wu'. Wurubuaare gi puru mo dii kpe mo ase. Ōko men baa wu mo. Asa me laare mo kpon, i kya nyiile yee Wurubuaare gi puru mo faa fem kyu dii kpe mo ase de ansi. Wurubuaare agyebi do i lee nyiile aye yee pei de i' ba de Wurubuaare o' puru Inoki genen mo, o gyi Wurubuaare ginsi daa.

⁶ Fo nyamese fon kya soo Wurubuaare gyi mo, fo man taale gyi mo-ginsi kpa-a. Fo obono fo kya laare fo' bii Wurubuaare lii fo gisen do mo, i tiri yee fo' soo gyi yee o bo no de fo' soo gyi kee yee o kya tæla asa abono me kya pæere ansi de me' bii mo mo.

⁷ Nowa gi soo Wurubuaare gyi so mo, o nu Wurubuaare gedε. Imo ne n gye yee mo-gekyena do mo, Wurubuaare gi gyɔ mo owolii yela yee ilaa iko i laa baa ba. Genen aberε abono mo, oŋ

ti wu genen ilaa ibono de mɔ-ansi, ne ɔ dabɔle wɔra ilaa ibono Wurubuaare gi tɔge sa mɔ mɔ. Ɔ sale gikolii bele gibono gi baa mɔlege mɔ-re mɔ-geten dɔ asa. Kyu naa de Nowa gisɔɔgyi gidɛ so mɔ, i lɛɛ nyiile yɛɛ gesinkpan so anyamese mɛ kaabore Wurubuaare o' bun ɔmɔ gipueɛ genen owi ɔbono dɔ. Nowa bere Wurubuaare gi kyu mɔ yɛɛ mɔ-gisen dɔ i boran kyu naa de mɔ-gisɔɔgyi gibono ɔ sɔɔ Wurubuaare gyi mɔ so.

⁸ Aberaham gi sɔɔ Wurubuaare gyi so mɔ, o nu Wurubuaare gedɛ. Wurubuaare gi tɔge sa mɔ yɛɛ ɔ' koso nfono ɔ wolaa ɔ tɛ mɔ kpe geten banban. Wurubuaare gi ka yela sa mɔ yɛɛ nno ne nan san wɔra mɔ-lɛɛ. Gesintin mɔ, ɔ koso, yɛge ɔ mɛɲ nyi nfono ɔ kya kpe mɔ.

⁹ Ɔ sɔɔ Wurubuaare gyi so mɔ, ɔ kpaa fo gesinkpan gebono Wurubuaare gi ka yela sa mɔ mɔ so mɔ, ɔ kyena gemɔ so fɛɛ isafo. Ɔɲ kyena geten kolon. Ɔ naa ɔ kya kyena daa ibu ibono mɛ kya kyu nbue iwole kyu yii imɔ mɔ dɔ. Mɔ-bi Ayisiki de mɔ-naana Gyeekɔpo kee mɛ baa kyena fɛɛ mɔ-lɛɛ mɔ ɔnan. I kya nyiile yɛɛ ilaa ibono Wurubuaare gi ka yela sa Aberaham mɔ, ɔ ka yela sa mɔmɔ kee.

¹⁰ Ibono so Aberaham gi taale nye gisen genen mɔ ne n gye yɛɛ o kyu mɔ-ansi gyan' daa ɔsowole ɔbono ɔ bo no gɛkpaa-gɛkpaa mɔ so. Genen ɔsowole ɔbono ɔlɛɛbo de mɔ-oyiibo ne n gye Wurubuaare.

¹¹ Aberaham mɔ-ka Sara mɛɲ koroge kere. Ɔ sɔɔ Wurubuaare gyi so mɔ, dabɔle mɔ-gikyibelense dɔ mɔ, ɔ nye ɔlon lii Wurubuaare ase, ne ɔ da ɔɔ koroge. O sɔɔ Wurubuaare gyi

yεε Wurubuaare gye ɔpaawɔrabo. Ɔ laa wɔra ilaa ibono ɔ ka yela sa mɔ mɔ.

¹² Imɔso, lii genen gisɔɔgyi gide so mɔ, Aberaham ɔbono ɔ bele ɔ ti ɔ kya fuude lewu mɔ gi nye gebii koroge, ne genen gebii kolon gebono ge nye anaana-anaana-ana abono mɔmɔ-gegyɔnɔ ge nyaakyo fεε agyekpebi de apoo genɔ ginjesii.

¹³ Genen adedaabo abono ne tere faa pewu me sɔɔ Wurubuaare gyi mɔmɔ-gekyena dɔ kaabore me wu'. Owi ɔbono me men ti nye ilaa ibono Wurubuaare gi ka yela sa mɔmɔ mɔ, me ti wolaa bii mɔmɔ-asen dɔ yεε i bo ɔkpa i kya ba, ne i wɔra mɔmɔ ɔkon. Me kyule yεε me gye daa asafo gesinkpan so. Gεε gere in gye mɔmɔ-gewi.

¹⁴ Asa abono me kya tɔge genen ilaa ide mɔ, me kya leε nyiile yεε me kya laare ɔsowole ɔbono ɔ laa baa wɔra mɔmɔ-gewi gekaako mɔ ne.

¹⁵ Nengyene fεε ɔsowole ɔbono me daa gikyena mɔ menan da mɔmɔ-ɔbole mɔ, nkana me laa taale kii kpe nno.

¹⁶ Genɔɔbono i de faa mɔ, mɔmɔ-ansi a gyan' daa ɔsowole ɔbono ɔ don gesinkpan so-leε mɔ so. Wurubuaare gi lɔrɔ genen ɔsowole ɔbono yela sa mɔmɔ. Ibono mɔmɔ-ansi a gyan' Wurubuaare dɔ-leε ɔsowole mɔ so genen so mɔ, me kya tere Wurubuaare yεε mɔmɔ-Wurubuaare mɔ, in bo Wurubuaare ipeeli.

¹⁷⁻¹⁸ Owi ɔko dɔ mɔ Wurubuaare gi daase Aberaham kere. Ɔ tɔge mɔ yεε o' kyu mɔ-bi Ayisiki kpaa kyɔle sa mɔ. Yege ɔ wolaa tɔge yela sa mɔ yεε, "Kyu naa de fo-bi Ayisiki so ne fo laa nye anaana-ana abono ne ka yela sa fo mɔ." Imɔ-re imɔ genen gbaa mɔ, Aberaham gi

dabole kyule yee o laa kyu mo-bi kolon obono o bo mo kyu kpa kyole sa Wurubuaare. O soo Wurubuaare gyi, ne

¹⁹ o kyu imo yee nengyene o wora genen mo, Wurubuaare laa taale kyingi mo lii ibuni do. Ne gesintin mo, i baa wora fee Wurubuaare gi kyingi mo kiiri sa mo. I lii fee oŋ baa yege mo o' kyole mo.

²⁰ Ayisiki gi see mo, mo kee gi soo Wurubuaare gyi so mo, pei de o' loo wu' mo, o toge ilaa ibono i laa ba mo-biana Gyeekopo de Isawu so mo, ne o sa omo olon Wurubuaare ginyen do.

²¹ Gyeekopo gi soo Wurubuaare gyi so mo, owi obono o kya laare o' lee oŋe mo, o koso kyena, ne o sa mo-bi Gyosefo-lee mo-biana anyo mo olon Wurubuaare ginyen do. O kyu mo-oduduu gyan' mo-oyii tugese so, ne o lee Wurubuaare ginyen.

²² Gyosefo gi soo Wurubuaare gyi so mo, owi obono o wu yee mo-nke gi kya fo ibono o laa kii kpe mo-naanaana ase mo, o taale wu toge yela yee mo-nanboana Isirale awura mo me laa baa koso Igyipiti gesinkpan so geakaako. Genen so mo, o ka sa mo-subuana yee geakaako geakaako me laa koso mo, me' kyu mo-awuye koso.

²³ Mosisi mo-nyi de mo-se me kyena mo, me soo Wurubuaare gyi. Igyipiti awura gesinkpan so ne me kyena. Owi oko do mo, Igyipiti wura mo gi yela nbara yee me' mo Isirale awura nbii nyensee. Imo genen gbaa mo, me meŋ sele Igyipiti wura mo gifuu. Me koroge Mosisi ne me wu yee o bo kanpe mo, me ŋara mo ibose isa'. Me meŋ ka nbara mo geno.

24 Imo gemara mo, Igyipiti wura mo-bi kyiise gi wu Mosisi, ne o kyu mo kpaabela. Mosisi gi see mo, o soo Wurubuaare gyi. Imoso o kine yee me men sa me' toge yee o gye Igyipiti wura mo mo-bi kyiise mo-bi.

25 O toge yee o laa kyena daa mo-nanboana Isirale awura abono me kya son Wurubuaare mo ase. Mo-re mo-nanboana mo me' wu olaawuse mo, i boran sa mo don okon obono nkana o laa gyi lii ilaa nyenyen giwora do mo. O nyi yee genen okon obono man de kpe sa mo.

26 Mosisi gi sa gewansa kyu lii obono Wurubuaare laa sun de o' baa molege anyamese mo so. O kyu yee nengyene o' wu olaawuse ne o nun asebi genen kaase obono so mo, imo ibono i gye ilaa gbaa' sa mo don ibono o laa nye Igyipiti awura awurato pewu mo. Mo-ansi a kpe a gyan' daa nteela bele nbono Wurubuaare laa sa mo geakaako mo so.

27 Mosisi gi soo Wurubuaare gyi so mo, o koso Igyipiti gesinkpan mo so. O men sele Igyipiti wura mo ginyadon gibono o laa kyu mo so mo. O keda nyoro kine yee o man kpe ansi de o' kii gemara. I lii fee i wora mo fee o kya wu Wurubuaare obono oko men kya wu mo de ansi mo.

28 Mosisi gi soo Wurubuaare gyi so mo, o nu Wurubuaare gede, ne o yii "Lewu Gi Serege Aye So" geke bele gigy ba, ne o kyu nbue nkalan kyu nmade-nmade aye-ibu nbunono, de Wurubuaare do sooo obono o kya mooo asa mo, o men sa o' yii aye Isirale awura-lee nbii nyense gyangbarase.

29 Isirale awura adedaabo mɔ mɛ sɔɔ Wurubuaare gyi so mɔ, Wurubuaare gi sa mɔmɔ ɔkpa, ne mɛ naa fara apoo ɔbono mɛ kya tere yeɛ Apoo Pebara mɔ lii. Mɛ laa fara apoo mɔ, mɔ, nkyu mɔ gi ye ginyɔ sa mɔmɔ ɔkpa, ne mɛ naa kyon. Igyipiti awura mɔ, mɔ, mɛ ba mɛ' baa fara mɔ, nkyu mɔ gi gyi mɔmɔ.

30 Isirale awura mɔ mɛ sɔɔ Wurubuaare gyi so mɔ, mɔmɔ-re Gyeriko awura mɛ kya kɔ ikɔ mɔ, mɛ naa kyaabɔɔ gekpen gebono mɛ yii kyaabɔɔ Gyeriko ɔsowole mɔ nke so nke so, nke sono, ne Wurubuaare gi yege gekpen mɔ ɔpɔɔre mɔ gi de geɛɛ.

31 Tutukyii ɔko gi kyena Gyeriko nno, mɛ kya tere mɔ yeɛ Rahabe. Pɛi de Isirale awura mɛ baa kɔ de ɔmɔ mɔ, mɛ sun ako ne mɛ ɲara kpaa kere ɔsowole mɔ gidebi. Rahabe gi sɔɔ Wurubuaare gyi so mɔ, oɲ kyule lɛɛ mɔmɔ-gewi. O kii koso keda mɔmɔ-gisafo bɔla daa. Lii genen so mɔ, owi ɔbono Isirale awura mɛ kpaa mɔɔ genen ɔsowole gisomaanu awura mɔ, mɔ bere, mɛ mɛɲ mɔɔ mɔ.

32 N' kii tɔge asa abono mɛ sɔɔ Wurubuaare gyi baa kyon mɔ so ilaa abɛɛ n' taa yege genen? Maɲ nye nyoro daa, nkana nan tɔge Gidiyon, Baraki, Samson, Gyefita, Deefidi de Samuele de Wurubuaare ikalan atɔgebo mɔ so ilaa kee.

33 Genen asa ade mɛ sɔɔ Wurubuaare gyi so mɔ, ako mɛ taale kɔ ikɔ gyi awura-awura so.

Ako mɛ yege gesintin gigyi gi' ba asa dɔ.

Mɔmɔ-gisɔɔgyi mɔ so mɔ, ako mɛ nye ilaa dense ibono Wurubuaare gi ka yela sa mɔmɔ mɔ.

Ako mɛ taale baala aguuni nno bun.

34 Ako me duule igya gin-gin ibono i wɔra gifuu mɔ.

Ako gisooɔgyi so mɔ, Wurubuaare gi mɔlegɛ mɔmɔ lii lewu dɔ owi obono nkana asa me laare me' mɔɔ ɔmɔ de nki mɔ.

Ako me gye afɔlebo, ne me nye ɔlon baa bingiri alolonbo.

Me bii kɔ ikɔ, ne me gyi asafo asogya akpen akpen so.

35 Akyii abono me sɔɔ Wurubuaare gyi mɔ ako me nye mɔmɔ-subuana abono me wu' mɔ me' kii kyingi lii ibuni dɔ.

Ako, mɔ, ibono me sɔɔ Wurubuaare gyi so mɔ, asa me ka mɔmɔ-ansi, kaabore me kyu wu'.

I lii feɛ me meɲ taa mɔmɔ-gisooɔgyi mɔ yege.

Me nyi yeɛ nengyene genen so ne me laa taa gesinkpan so gɛkyena yege mɔ,

gɛkaako Wurubuaare laa kyingi ɔmɔ

de me' nye gɛkyena gɛbono gɛ boran don gɛde mɔ.

36 Ako, mɔ, me sɔɔ Wurubuaare gyi so mɔ, asa me gyaabii mɔmɔ ne me koree mɔmɔ.

Ako, mɔ, kee, ibono me sɔɔ Wurubuaare gyi so mɔ,

asa me ηminde mɔmɔ ne me tii mɔmɔ de ibu.

37 Ako, mɔ, ibono me sɔɔ Wurubuaare gyi so mɔ, asa me da mɔmɔ abui mɔɔ.

Me kyan mɔmɔ ako dɔ ginyɔ-ginyɔ.

Ako, mɔ, me mɔɔ mɔmɔ de nki.

Ako, mɔ, ibono me sɔɔ Wurubuaare gyi so mɔ,

isande de itiide iwole ne n wɔra mɔmɔ-akuru bunɛ.

Me wɔra ayenbo. Asa me ka mɔmɔ-ansi,

mε mεη nye mōmō-nyoro.

³⁸ Nkana in̄ taa kaabore gesinkpan so asa nyenyen mε' nye asa dense ade mε' kyena saare mōmō dō.

Mōmō ako, ibono mε sōo Wurubuaare gyi so mō, mεη nye ikyenaten ne mε naa de apen de abii so.

Mε de-de gesinkpan ibo dō de afole ibo dō.

³⁹ Genen asa dense ade pεwu ginyen gi de kyu lii genōobono mε sōo Wurubuaare gyi mō so. Imō-re imō genen gbaa mō, ilaa dense ibono Wurubuaare gi ka yela sa asa abono mε sōo mō gyi mō, o mεη yεge de mε' nye imō genen abere abono.

⁴⁰ I kya nyiile yεε o wolaa tōge yela yεε o laa baa wōra ilaa dense sa aye abono a sōo mō gyi ndε faa. Genen ilaa ibono i laa tansi wōra odan don ibono nkana o laa sa o mō genen abere abono mō. Mōmō-wole mō Wurubuaare maη yεge mε' wōra odan kpaa logε, genen mō, aye kee a' baa bola de mōmō.

12

A' Kpe A' Kere Daa Yesu Aye-Gekyena Dō

¹⁻² A' laa ansi kere asa abono a kaala-kaala baa kyon faa. Mōmō-gekyena gε lεε nyiile aye genōobono mε sōo Wurubuaare gyi mō. Imōso ilaa kamaase ibono i laa genda aye de a' mεη nye wōra Wurubuaare gelaare kpaa logε mō, fe' yεge de a' lεε imō lii aye-ayaa dō, titirigu mō, ilaa nyenyen giwōra ibono i kya nye aye kusaa-kusaa mō. A' kpe a' kere daa Yesu aye-gekyena dō de a' wōra fεε asa abono mε kya keda nyoro sele

ɔnangya ɔbono ɔ de mɔmɔ-ansi so mɔ. Yesu ne n yege a sɔɔ Wurubuaare gyi, ne mɔ ne nan yege a' sɔɔ mɔ gyi kpaa loge. Abere abono me laa da mɔ ananbi mada de oyii mɔɔ mɔ, ipeeli ibono o gyi genen lewu ɔbono dɔ mɔ, ɔ men kyu imɔ tere sei. O kyu mɔ-ansi gyan' daa ɔkon ɔbono ɔ de sa mɔ mɔ-lewu gemara mɔ so, ne o sɔɔ lewu mɔ abaa anyɔ. Ide kon ɔ te Wurubuaare gibaa gyise so ɔ kya gyi gewura.

³ Ilaa nyenyen awɔrabo me tansi kyo Yesu, ne mɔ, mɔ, gi nye gisen sa ɔmɔ. Imɔso fe' laa ansi kerɛ mɔ-leɛ mɔ, de in sa i' yɔɔ feye-nyoro de feye-asen a' koso mɔ so.

⁴ Ibono fe kya nyanga ansi fe kya kɔ fa-a tii ilaa nyenyen giwɔra faa mɔ, feɲ ti kɔ kpaa fo ibono me laa mɔɔ feye.

Wurubuaare Kya Laare Fo-Ilaa Mɔ Ne ɔ Kya Biide Fo-Giso

⁵ Fe ti tan ibono Wurubuaare gi tɔge wɔra feye fɛɛ mɔ-biana mɔ? Wurubuaare agyɛbi mɔ dɔ mɔ i tɔge yeɛ,

“Me-bi, geɲ sa fo' kyu Wura Wurubuaare gibela gibono ɔ kya bela fo, ne ɔ kya lɔrɔ fo mɔ yeɛ i men gyɛ ilaa gbaa' iko.

Genɔɔbono ɔ kya biide fo-giso mɔ, geɲ sa fo' yege i' yɔɔ fo-nyoro.

⁶ I lii fɛɛ fo isa ɔbono Wurubuaare kya laare fo-
 ilaa
 ne o kyu fo wɔra mɔ-bi gesintin mɔ, fo ne ɔ
 kya bela.

Fo kee ne n wɔra ilaa nyenyen ne Wurubuaare laa biide fo-giso.”

7 Fɛ' keda nyoro de fɛ' nye gisen fɛye-ɔlaawuse ɔbono fɛ kya wu mɔ dɔ. Fɛ' kyu imɔ yɛɛ fɛye-sɛ ne n kya bela fɛye, ne ɔ kya lɔrɔ fɛye genen. I kya nyiile yɛɛ Wurubuaare gi kyu fɛye fɛɛ fɛ gye mɔ-biana gesintin. Obi ɔmɔ ne n bo no yɛɛ mɔ-sɛ mɛn kya bela mɔ de ɔ' lɔrɔ mɔ?

8 Wurubuaare kya lɔrɔ mɔ-biana pɛwu. Nengyene fɛɛ Wurubuaare mɛn kya lɔrɔ fɛye mɔ, fɛ mɛn gye mɔ-biana gbaa-gbaa ne. Ako-lɛɛ nbii ne fɛ gye.

9 Gesinkpan gedɛ so mɔ, aye-sɛana mɛ kya bela aye ne mɛ kya lɔrɔ aye, ne aye, mɔ, a kya kyu buubuu sa mɔmɔ. Ne aye-sɛ ɔbono ɔ bo soso, oduduu dɔ-lɛɛ ɔsɛ mɔ de-e? I kaabore a' tansi bara aye-nyoro gesɛ sa mɔ de a' nye mɔ-lɛɛ gɛkyena mɔ ɔnan.

10 Aye-gesinkpan so-lɛɛ asɛ mɔ, mɛ kya bela aye mɔ, nsi kalɛɛ nko ne mɛ kya bela aye ne mɛ kya lɔrɔ aye genɔɔbono ɔkara mɛ laa taale mɔ. Wurubuaare, mɔ, kya bela aye mɔ, ɔ kya bela aye gɛkpaa daa de i' nye lɔrɔ aye de aye-asen a' nye fuuli wɔra fɛɛ mɔ.

11 Owi ɔbono ako mɛ kya bela aye ne mɛ kya biide aye-giso mɔ, in bo aye ɔkon. Mɛ kya wɔra aye genen mɔ, a kya wu daa yɛɛ i kya nu aye. Imɔ gemara mɔ, a kya wu yɛɛ i yɛge a wɔra gesintin awura ne a nye gisen yuuli. Owi ɔbono i kya nu aye genen mɔ, i kpɛ i kya lɔrɔ aye ne.

12 Imɔso fɛ' yeɛ fɛye-ayaa so girin. Fɛn sa fɛ' yɛge i yɔɔ fɛye-nyoro.

13 Fɛ' kpɛ naa daa de Yesu ɔson ɔkpa mɔ ntintin. Ilaa ibono i laa kiiri fɛye gemara Yesu ɔson mɔ dɔ mɔ, fɛ' kere dɔɔdan de fɛ' lɛɛ imɔ lii

feye-ayaa dɔ de i' nye kpaɔ feye de fe' nye ayaa yelese ɔson mɔ dɔ.

*Fɛŋ Lɔrɔ Feye-Nyoro Yela Sa Wurubuaare Mɔ,
Fɛ Man Wu Mɔ De Ansi*

¹⁴ Fɛ' nyanga ansi de fe' kyu gisen yuuli kyu kyena de nyamese kamaase. Fɛ' lee feye-nyoro lii ilaa nyenyen giwɔra dɔ. Fo nyamese fo men lɔrɔ fo-nyoro yela sa Wurubuaare mɔ, fo man nyu wu mɔ de fo-ansi.

¹⁵ Fɛ' kere dɔdan de feye dɔ ɔko ɔ men sa ɔ' fue Wurubuaare gidense gibono ɔ bo sa mɔ mɔ de feye dɔ ɔko ɔ men sa ɔ' wɔra fɛe giponfe gibono gi gye gibɔrɔ ne gi laa kɔrɔ de gi' sen mɔ. Asa abono ɔnan me laa taale yege asa sakyɔ me' loo ilaa nyenyen giwɔra dɔ.

¹⁶ ɔko ɔŋ sa ɔ' laare ogyibara. Fɛ' kere feye-nyoro so dɔdan de feye dɔ ɔko ɔŋ sa ɔ' kyu Wurubuaare ilaa yeɛ i men gye sei sa mɔ fɛe Isawu-lee mɔ ɔnan. Isawu gi kyu mɔ gebelense kyare agyudɔ lepe kolon lii mɔ-tede ase, yege nkana mɔ ne n gye mɔ-se obi gyangbarase.

¹⁷ Imɔ gemara mɔ, fe wu ibono o kii laare fɛe mɔ ne mɔ-se ɔ' wɔra mɔ kusee-kusee pei de mɔ-se ɔ' lɔɔ wu' mɔ. ɔŋ kii nye. I lii fɛe in baa sa de ɔ' nu mɔ-nyoro gese de ɔ' kyeege lii ilaa ibono ɔ ti wɔra mɔ dɔ. Gemara mɔ o kyu ginsikyu kii laare imɔ-ɔkpa kpon.

Isirale Awura Adedaabo Me Wu Yeɛ Wurubuaare Ilaa I Bo Gifuu

¹⁸ Imɔso feye bere, fe' kere dɔdan de fe' yege Wurubuaare ilaa i' wɔra feye-ilaɔ tirise. Ilaɔ ibono Wurubuaare gi lee nyiile feye mɔ, in de

fɛɛ ibono ɔ lɛɛ nyiile aye Isirale awura adedaabo mɔ. Mɔmɔ abono, mɔ, Wurubuaare gi yege me tu sindi ilaa ibono nyamese man taale yii imɔ mɔ. Imɔ ne n gye yeɛ me wu gibii gi yeɛ gi kya dɛɛ gin-gin-gin ne i wɔra gibiri kyikin. Me wu afuu bele a kya da fɛɛ gɛwulewule.

¹⁹⁻²⁰ Me nu ɔlanba bele fɛɛ gegandan, ne me nu gigyebi giko. Wurubuaare gi wolaa yela nbara sa ɔmɔ yeɛ, “Ba-a geɓue gbaa gemɔ-giyaa gi yii genen gibii gibono so mɔ, me' da gemɔ abui mɔɔ.” Me nu gigyebi mɔ mɔ, me men taale da otu, me kole Wurubuaare yeɛ me men baa ma-a laare me' baa kii nu ilaa banban iko lii Wurubuaare ase.

²¹ Gesintin mɔ, nno i wɔra gifuu gikyo-gikyo so mɔ, mɔmɔ-ɔbelense Mosisi gbaa gi bugi geno toge yeɛ, “I tansi i bo me gifuu gikyo. Kere, n yeɛ faa me-nyoro gi kya da me ne.”

Feye-Lɛɛ I Bo Duduu Ne I Bo Kon Don Isirale Awura-Lɛɛ

²² Feye bere, Wurubuaare gi sa feye ɔkpa ne oduduu dɔ mɔ fe nye tu sindi Wurubuaare dɔ-lɛɛ Sayon Gibii. Gimɔ so ne Wurubuaare dɔ-lɛɛ Gyerusalem ɔsowole mɔ gyan'. Nfono ne Wurubuaare ɔbono ɔ bo no gekpaa-gekpaa mɔ te, mɔ-re mɔ-isɔɔ ibono a man taale bii mɔmɔ-gegyɔnɔ mɔ.

²³ I wɔra fɛɛ fe nye loo Wurubuaare mɔ-biana agyangbarase mɔ sagyan mɔ dɔ ne. Nno i tansi i bo kon. Mɔmɔ ne n nye Wurubuaare gi nmarase mɔmɔ-anyen wɔra mɔ-ɔwole dɔ Wurubuaare dɔ. Fe tu sindi Wurubuaare ɔbono mɔ ne nan gyi anyamese pewu nbele mɔ. Fe tu sindi asa abono

mómó-asen dɔ i boran sa Wurubuaare, ne me wu', ne ide kon me kya gyi Wurubuaare ginsi kpaaloge mɔ.

²⁴ Fe tu sindi Yesu obono o yeɛ aye-re Wurubuaare nsana mɔ. Lii mɔ so ne Wurubuaare gi yege mɔ Wurubuaare mɔ-re anyamese me wɔra genɔ pobɔɔ. I lii fee Yesu nkalan ne Wurubuaare gi yege gi nmade aye kpaare aye-ila nyenyen fue sa aye. Yesu-leɛ nkalan mɔ gi wɔra ilaa dense don Abele-leɛ mɔ.

²⁵ Wurubuaare kya tonge o kya sa feye. Fe' kere doodan de fe men sa fe' kine yeɛ fe man nu mɔ ase. I lii fee owi oko dɔ mɔ Wurubuaare gi yege isa oko gi baa toge mɔ-okalan mɔ gesinkpan so sa asa. Asa abono me kine men nu Wurubuaare okalan otogebɔ obono ase mɔ, Wurubuaare men yege kyee mómó. Ne feye abono, mɔ, fe laa kine yeɛ fe man nu Wurubuaare obono o kya tonge o kya sa feye lii Wurubuaare dɔ mɔ, feye ne o laa yege kyee?

²⁶ Mosisi abere dɔ mɔ, Wurubuaare gi tonge sa asa gesinkpan so mɔ, mɔ-gigyebi gi yege gesinkpan ge gyigisi. Ide kon bere, o ka yela yeɛ, "Pei ne nan kii yege gesinkpan ge' gyigisi mɔ, in baa wɔra gesinkpan wole. Soso kee i laa gyigisi."

²⁷ Agyebi abono Wurubuaare gi toge yeɛ, "Pei ne nan kii yege" mɔ, a kya lee nyiile tentegelen yeɛ ilaa ibono o lee ne i gye igyigisise mɔ, o laa yege i laa gyigisi de o' lee imɔ lii mɔ-ayaa dɔ de i' san ibono i men gye igyigisise mɔ wole.

²⁸ Wurubuaare gi sa aye Yesu asonbo mɔ mɔ-awuragyibo ikyenaten ibono i men gye igyigisise. Imɔso a' faala mɔ lii aye-asen dɔ. A' sele mɔ de

a' kyu buubuu bele kyu son mɔ genɔɔbono i laa gyi mɔ-ginsi mɔ.

²⁹ I lii fɛɛ “Aye-Wurubuaare mɔ de fɛɛ ɔgya ɔbono ɔ kya dɛɛ mɔ.”

13

Fɛ' Wɔra Wurubuaare Gɛlaare Ilaa Feye-Gɛkyena Dɔ

¹ Fɛ' kpɛ fa-a laare feye-nanboana Yesu asonbo mɔ ilaa fɛɛ fɛ gye daa anyibi asebi.

² Fɛ' kerɛ de fɛ' keda asafo. I lii fɛɛ genen giwɔra dɔ mɔ, ako mɛ ti keda Wurubuaare dɔ isɔɔ gisafo yege mɛɲ dɛsɛ.

³ Asa abono mɛ tii de obu mɔ, fɛ' nyingi ɔmɔ so fɛɛ fɛye-rɛ ɔmɔ ne n tii de obu genen. Fɛ' nyingi abono mɛ kya wu ɔlaawusɛ mɔ fɛɛ fɛye kee ne n kya wu ɔlaawusɛ genen.

⁴ ɔkamaasɛ o' kyu gɛdena yeɛ gɛ tansi gɛ gye ilaa tirisɛ. Feye abono fɛ dena mɔ, fɛ' mɛɲ sa fɛ' dɛ de ɔko kpɛi de fɛ' nyida ansi. I lii fɛɛ ɔbono ɔ laa laare ogyibara abɛɛ ɔko mɔ-ka abɛɛ ɔko mɔ-kuli mɔ, Wurubuaare laa biidɛ kaasɛ ɔbono giso.

⁵ Fɛɲ sa fɛ' laare yeɛ fɛ' nyɛ aterɛnbi gikyo feye-gɛkyena dɔ. Ibono ɔkara fɛ bo mɔ, fɛ yege i' gyi feye-ginsi. I lii fɛɛ Wurubuaare gi tɔgɛ mɔ-agyɛbi dɔ yeɛ,

“Gɛkaako man naa taa fo yege.

Man lɛɛ ansi yege fo gɛkaako kpa-a.”

⁶ Imɔso lii Wurubuaare so mɔ aye ɔkamaasɛ a kya da gikan tɔgɛ yeɛ,

“Wura Wurubuaare ne n gye me-ɔkpaabo. Man selɛ gifuu.

Mene ne me-nanbo nyamese laa taale wɔra me?"

⁷ Fe' kyu feye-nwɔnsa kyu gyan' abono me gyangbara sa feye Yesu ɔson mɔ dɔ ne me tɔge Wurubuaare agyebi mɔ sa feye mɔ so. Fe' laa ansi kere gekyena gebono ɔnan me kyu kyena mɔ de fe' ka gyan' Yesu so fee mɔmɔ-lee mɔ ɔnan.

A' Keda Yesu Ilaa. I Boran Don Gesinkpan Gede So-Lee

⁸ Yesu Kirisito men kya kyeege; genɔɔbono ɔ de deeri mɔ, genen kee ne ɔ kpe san ɔ de nde faa, ne genen ne ɔ laa kpe ɔ de gekpaa-gekpaa.

⁹ Fe' men sa fe' nu de ilaa nyiilese kpei-kpei ibono in kya kyena de Yesu ɔkalan konkonse mɔ de i' yegɛ fe' fue Wurubuaare gesintin ɔkpa mɔ. I boran yee a' nye aye-asen a' kyena geten kolon kyu lii Wurubuaare gidense mɔ so; nkana i men gyɛ agyudɔ gigyi abee gimaagyi nbara so. Abono me kya gyi genen nbara nbono so mɔ, in kya kpaa mɔmɔ.

¹⁰ Aye abono a kya son Wurubuaare kyu naa de Yesu so mɔ bere, a bo asunbi ɔleeten. Nno ne Yesu gi lee ilaa nyenyen gikpaarefue asunbi sa aye. Isirale awura abono me kya lee asunbi mɔmɔ-ɔsonten mɔ, men bo ɔkpa de me' kyu ilaa nyenyen gikpaarefue asunbi atɔ kyu yii genɔ.

¹¹ I lii fee mɔmɔ Wurubuaare asunbi alebo gemu mɔ laa lee ilaa nyenyen gikpaarefue asunbi mɔ, nbue mɔ nkalan wole ne ɔ kya kyu loo Wurubuaare ɔson obu tudɔ-tudɔ lee mɔ dɔ. I san nbue mɔ inun mɔ bere, me kya dee imɔ daa nten nkan.

¹² Nten nkan kee ne Yesu gi wu' mɔ-awɔrɔfɔ lɛwu mɔ sa aye. Mɔ gbaa-gbaa mɔ-nkalan ne ɔ

kyu kyεεge fue de i' nye kpaare aye anyamesε ilaa nyenyen fue sa aye de i' lɔrɔ aye yela sa Wurubuaare.

¹³ Imɔso a' sɔɔ Yesu ɔson mɔ so awɔrɔfɔɔ abaa anyɔ de i' wɔra fεε aye kee a lii kpe mɔ ase nten nkan nfono ɔ kpaa lεε asunbi mɔ de a' kpaa sɔɔ ipeeli ibono o gyi aye so mɔ ɔnan sola.

¹⁴ I lii fεε gesinkpan so mɔ a mεη bo ɔsowolε ɔbono ɔ laa kyena gekpaa-gekpaa. Aye-ansi a gyan' daa ɔsowolε ɔbono ɔ laa baa ba gekaako mɔ so.

¹⁵ Kyu naa de Yesu so mɔ, a' kpe a kya lεε ayenbi asunbi a kya sa Wurubuaare. Genen asunbi abono ne n gye ibono a laa lεε Wurubuaare ginyen.

¹⁶ Fε' mεη sa fε' tan ilaa dεnse giwɔra so. Fε' kpaa asa mɔmɔ-ilaa tirise dɔ. Fε' kya wɔra imɔ ide mɔ, imɔ kee i gye daa asunbi gilεε, ne i kya gyi Wurubuaare ginsi.

Agyebi Laalaalogε

¹⁷ Fε' nu abono mε gyangbara sa fεye Yesu ɔson mɔ dɔ mɔ gedε de fε' bara fεye-nyoro gεε sa ɔmɔ. I lii fεε mε kya kere fεye-akyenabi so mε kya sa fεye. Gekaako mɔ mε laa yeλε Wurubuaare ansi dɔ de mε' lεε mɔmɔ-genɔ kyu lii imɔ so. Fε' yege mε' kere fεye so de ɔkon. Nengyene fe yege mɔmɔ-asen a nyida mɔmɔ mɔ, i maη wɔra ilaa dεnse iko sa fεye.

¹⁸ Fε' dalaa sa aye. A nyi aye-asen dɔ yeε aye-gekyaena dɔ mɔ a wɔra daa ilaa ibono a nyi yeε i boran sa Wurubuaare mɔ. A kya laare yeε ilaa kamaase dɔ mɔ, a' wɔra aye-ilaa imɔ-ɔkpa so.

¹⁹ N kya kole feye yee fe' bugi feye asen dalaa de Wurubuaare o' yee n' nye nyoro kii ba feye ase kusaa.

²⁰ Ide kon mo n kya kole Wurubuaare n kya sa feye. Mo ne n gye gisen yuuli gemu, ne mo ne n kyingi aye-Wura Yesu lii ibuni do. Kyu naa de Yesu nkalan nbono o kyeege fue sa aye so mo, Wurubuaare gi yee aye-re mo a wora geno gekpaa-gekpa. Yesu kya kere aye so gikyo fee genobono isande okerebo dense kya kere mo-isande so mo.

²¹ Wurubuaare o' kyu ilaa dense kamaase lro feye de fe' nye taale wora mo-gelaare. Kyu naa de Yesu Kirisito so mo, Wurubuaare o' kpe o kya wora gesun aye-asen do de a' wora ilaa ibono i kya gyi mo-ginsi mo. Nyisigyi o' wora Yesu Kirisito-lee gekpaa-gekpa. I' ba genen.

²² Me-nanboana Yesu asonbo, n de feye gisere, fe' nye gisen de fe' yela aso de fe' nu me-ilaa ibono ne toge keda feye-nyoro faa. I kya nyiile yee men nmarase feye de i' wora bolo-bolo.

²³ Fe' nu yee me tigi aye-nanbo Timoti obono nkana o tii de obu mo. Nengyene o ba me ase gere kusaa mo, nan baa laa feye mo, me-re mo ne nan ba.

²⁴ Fe' faala abono pewu me gyangbara sa feye Yesu onon mo do mo de Yesu asonbo sense mo pewu sa me. Mommo abono me lii Itali mo me kya faala feye.

²⁵ Wurubuaare o' sa feye pewu so gewonsa dense.

Ḡḗḇḇ Pḗḇḇḇ
The New Testament in the Gikyode language

copyright © 2020 Wycliffe Bible Translators, Inc.

Language: Gikyode

Contributor: Wycliffe Bible Translators, Inc.

All rights reserved.

2025-04-25

PDF generated using Haiola and XeLaTeX on 25 Apr 2025 from source
files dated 25 Apr 2025

4cc402b4-139a-5f33-9af9-fbf62307f663